



江湖長翁文集目錄

宋高郵陳造唐卿撰
明仁和李之藻振之校

十七卷

五言絕句

次張學祿韻十首

次韻錢倅諸公睡香花四首

泊上虞驛來日行四首

予七十監稅見賀以詩四首

六言絕句

銅官道中二首

舟行

題長沙新到鴈圖

題別浦遠來舟圖

題野渡風煙圖

題寒光雪嶂圖

禱雨木欄堂四首

羅提舉見和再用韻四首

題草虫扇四首

十八卷

七言絕句

劉向二首

梁元帝二首

管仲二首

孔明二首

東坡二首

王逢原二首

閱史六首

讀晉史二首

曹魏二首

袁本初二首

公孫述

隗囂

馬援

光武二首

高祖二首

和熹

相如二首

文帝

詠史二首

遊靈山二首

早夏二首

偶題

題人家壁

棲隱寺紫薇花二首

題趙秀才壁

新林小憇見花二首

贈相者二首

次玩鞭亭小詩韻三首

次林子長教授韻二首

次張節推山字韻詩畱其行六首

靈岵道中二首

游隱靜往返四首

戲促黃簿鷄粥約三首

次韻黃簿二首

贈趙丞四首

無題三首

臨澤寺留題

庚子冬望雪二首

次韻郭教授雪二首

元夕遣懷二首

書南柯太守曲後二首

次韻諸公絕句二首

贈郭高叔三首

游普向十首

十絕句呈章茂深安撫

村居二首

謝三提幹召飲三首

謝兩知縣送鵝酒羊麪二首

次兩知縣韻四首
題椿桂堂四首

次石湖送炭韻贈龔養正三首

送鶴鴨腊龔養正二首 早春十絕呈石湖

題溪橋雪月圖 題高縉之劔室二首

題龔養正孩兒枕屏二首

次韻答陳夢錫十首 次韻吳守四首

謝劉提幹墨竹見遺六首

題畢直閣繙經圖三首

循資趙宰有賀詩次韻三首

都下春日 次韻答趙文卿四首

次韻袁憲勞軍許浦中路水合二首

次韻袁憲打水移舟三首

贈何符山人二首 趙介卿見簡解嘲二首

寓吳門十首 次韻張丞

次張丞送菊韻二首

紹熙壬子勸耕抄勝四首

淨居勸農三首 次韻王統制喜雨

示阿泰三首 次王巡檢韻三首

朱侔索詩作三絕謝之 瑞巖寺六首

喜雨二首

定海甲寅口號七首

謝張德恭送糟蚶六首

張守送羊羔酒將以三絕次韻答之

郡齋鶴飛來作三詩

張守有和章復次韻

再次羊羔酒韻三首

次還鶴韻二首

題項處士山堂二首

卷之十八目錄終

江湖長翁文集目錄

宋高郵陳造唐卿撰

明海鹽王廷俊君英校

十九卷

七言絕句

次韻楊宰汲泉浸枝子花

次韻張守三首

又次韻四首

慶元冬再到盱眙四首

閑居十首

趙園飲四首

客夜不寐四首

題九老圖二首

題行山圖

江行四首

到房交代招飲四首

再次韻二十首

襄陽二首

春陰二首

祈雨而應范簿有詩次韻四首

漢江岸二首

題驛舍二首

呈程帥五首

程帥寄詩見憶次韻四首

六絕句程趙帥兼簡趙機宜

房陵十首

春寒六首

同沈守勸農十首

不寐二首

觀山四首

鄂州守風二首

過呂僊洞四首

書事二首

客枕不寐二首

次韻郭帥梅三首

寄張守仲思十首

題潮出海門圖四首

贈淨慈主人五首

晝過荷葉浦二首

約徐呂二友訪淨慈老二首

再次寄肯堂韻五首

題扇共十五首

再次寄肯堂韻五首

同徐呂二子遊西湖復次前韻五首

次韻答璧侍者五首 趙景安二亭四首

景安和章來再次韻謝設醴四首

徐南卿友竹軒二首 卽事二首

再次韻趙景安十二首 四月望再遊西湖十首

次韻楊宰食野蓮 次韻楊宰捕蝗四首

次韻楊宰凌霄花 再次韻楊宰七首

十卷

七言絕句

題傅商卿家壁二首 題彭尉軒壁二首

題吳子隆兼隱二首 次韻張守仲思食車螯

寄趙宰三首

學宮諸生飲邀予與子野同之三首

登潁江三絕趙宰增爲四復次韻答之

贈相士潘翁二首 題乾明寺壁

題栢氏壁二首 次梁教授見貽韻五首

喜雨口號呈陳守伯固十二首

漫興

跋簡齋一帖

無題

陳君美許仲和赴省病不能出餞以二句絕

春暖贈梅喜作二首 遊山陽十首

招山陽高徐二生飲二首

題因老松江煙雨圖二首

題因師百鴈圖二首 題因師蒲桃圖二首

八月十二日夜借客賞木犀八首

曉枕二首 書城北尼庵二首

漏澤院四絕句

題墳庵壁四首

東莊小留四首

雨中題栢氏壁二首

次韻楊宰愛竹

次韻楊宰思庭竹

寄郢州崔守八首

送吳子隆節推之官信州五首

次程平叔韻二首 閱水教次前韻

程言聚散有感次前韻七首

次韻贈郭侯

侯拉客歸置飲再次韻

趙通判有詩次韻二首

吟詩自笑用前韻二首

病起二首

口號十首呈程殿撰

題史髯詞卷二首

贈包道二首

暮春泛西湖次口號韻呈程待制十首

題濟勝七物七首

題史髯詩卷後二首

題高賓王詩卷後

泛湖十絕句

次韻趙帥二首

又次看字韻二首

陳總管坐上贈寫竹妓二首

十五夜再次趙帥韻

贈琴妓二首

次趙帥喜雪韻

次魏知元韻三首

次姜堯章餞徐南卿韻二首

又次鈺朴翁韻四首

次史髯韻二首

又次韻二首

次韻趙帥蠟梅

寄趙帥三首

再次韻趙帥見寄三首

題社彥敷山茶

次趙帥韻三首

次韻趙帥寒食四首

次韻趙帥

十絕句寄趙帥

次韻趙帥五首

卷之十八目錄終

江湖長翁文集卷之十七

五言絕句

次張學錄韻十首

張以新涼入郊墟
燈火稍可親為韻

俗習有南北交情無故新
得子班荆地朴魯俱淮人

其二

東鄰夜牙籌西鄰晨伊涼
孰知陋巷士乾坤書一床

其三

學者闖聖門夤緣未易入
張子乃深造以文作梯級

其四

三吳士淵藪向我肯論交尚友忌一鄉同人貴于郊
其五

燒香爲后山展像拜太虛誰能作九原候蟲吊寒墟
其六

張子五車讀筆作蛟龍騰百戰氣彌厲依然短檠燈
其七

廣文無酒錢到官倏改火清譚坐蕭齋惟子屢過我
其八

臞鴨久欲忘食蛙近亦稍人言淮浙殊得飽不汝較

其九

君才高一時從我計已左要追莊惠塵揮塵論然可

其十

衆景紛驕蹇君獨著語親十詩已櫝藏不與俗子論

再次贈張學錄韻十詩

解願康鼎來詩語窮益新政用追前輩不勞吞吾人

其二

再說可雙壁斗酒或西涼索飯仰屋梁付子瘦木床

其三

杜陵深堂奧無已掉臂人裔孫漫晞驥嬖姍取拾汲
其四

取友英雋場如子乃石交進善定見與言從浚之郊
其五

閱世有順逆飛埃曠空虛曠懷畧外物曲士乃拘墟
其六

李蔡下中爾萬目指騫騰何蕃頭欲白秋窻耿青燈
其七

張子攜詩來危坐撥芋火三問笑不對政恐非助我

其八

冷官冷如冰餬口僅廩稍藜藿得好客欠餘不擬較

其九

擁衾哦子詩清夢即淮左莫年書藏山舍子誰印可

其十

置書管盪升大似疎間親因之返初服佳趣遲子論

次韻錢倅諸公睡香花四首

鈞窻玩孤芳殘月衣上明紫囊拆蘭麝小風弄初晴

其二

江浦長翁文集卷之十七
幽人睡爲鄉長日踵納息天香喚醒然頗復費詩力
其三

輩流魏家芳要領僧榻夢儵然目爲青未敢蜚鴻送
其四

小籬護股鮮久厭雜芳眩風煙桃李蹊一付檀槐戰
泊上虞驛來日行四許

秋雨歇復下西風微自涼不妨舟繫柳已貸汗反漿
其二

梁湖莽蒼外後去未云遲縣市容吾戀江湖不汝期

其三

溪山可圖畫風物憶吾鄉漁艇鷗鷺亂茆茨菱芡香

其四

龍公底戲劇長嘯暝江天雨鵲翻仍語風舟舞不前
予七十趙監稅見賀以詩次韻

平生燭之武况已雪髯翁譽我猶時用君言恐未公
六言絕句

銅官道中二首

人家自瀾新茗山路行衝翠嵐今日供人行行李向來夢

裏江南

盡日巉巖峻陟有時罷亞橫陳看雲不妨拄笏耦耕定
自知津

舟行六言

風頭正帆影駛雨脚轉天容開黃雲覆野未極青山趁
人欲回

題長沙新到鴈圖

渺莽雪波煙渚有底鼓翅相呼如老子載家去眼明見

甓社湖

甓社高郵湖山谷詩亦云

題別浦遠來舟圖

道人毫端妙用幻出煙水淮南頻與東風商略幾時送
我歸颿

題野渡風煙圖

畫師毫素筌蹄波光野色淒迷舟艤樹陰欲動魚驚帆
影應低

題寒光雪嶂圖

噎寒流覆絕壁君纔得想像間輸我一庵漁浦雪中真
看江山

禱雨木欄堂四首

池上客熟無那池中魚不自濡安得涼煙泛坐綠荷盡
日跳珠

絕知豐凶有數豈必天地不仁鵝鳩底用緘口晨霞徒
解欺人

物享用達幽秘政戾自奸陰陽我已泣刑白鵞誰繼詩
烹洪羊

醮壇煙斷金鼎缺月印天一梳想知瞻望雲漢君上寢
帳猶虛

羅提舉見和再用韻四首

又作凝香齋宿未容燥吻得濡頗恠太湖龍伯貝宮臥
戲明珠

斬山木寧為民焚巫尪恐傷仁看書飢而不害公政無
慙古人

紫沉初炷爐香青章已達寥陽當有碧玉宮使叱起河
瀕臥羊

靈烟傳載所牧
羊皆雷雨神也

燄燄水芝照影娟娟風柳受梳何日詩成喜雨凭欄客
意凌虛

題草蟲扇二首

捩首一振怒臂鼓翅雙搖利鋒底用交綏解闔政應沐
我仁風

迎隨小躍低飛無謂二蟲何知却因毗陵畫手憶我田
間杖藜

江湖長翁文集卷之十七終

江湖長翁文集卷之十八

七言絕句

劉向二首

江邊逐客楚宗卿諫數君疎命自輕可信後儒慙往哲
輒將強聒議更生

若將初節訂賢愚聖哲功名古亦無一代儒宗憂國意
當年幾落僞金誅

梁元帝二首

慢藏已重阿琳憂君道平時况未優冀北羊腸各亡社

浪言建業勝荊州
中外誰非肉骨恩
顛顛帝子亦王孫
君王日握金銀筆
忍畧兵威極六門

管仲二首

崇潛俄正魯封圻
施伯安翔稷載歸
屍授夷吾寧復此
君臣應愧始謀非

平生勲業載成書
脅制諸侯祗霸圖
盍繼車攻奏嘉頌
迄今璧帛送東都

孔明二首

古今深忌忿爲兵
及雷師臣要力爭
白帝敗歸思孝直
端知難抗魏元成
舉蜀寧蠻走阿瞞
功名繼此坐天慳
平生囊括華夷策
畏虎纔教見一班

東坡二首

五載詩鳴臥雪堂
暮年長嘯走南荒
當時戲綵慈親側
豈復陳編羨范滂
高文鯁論博艱危
凜凜聲名百世垂
得意王公莽枯冢
誰令聖主想同時

王逢原二首

弱歲文推一代豪諸公歛衽看顛毛
天於屈宋應爲地不放先生僕命騷

文章俯睨漢唐餘屬思深湛到古初
正使玉樓須有記忍令銀筆嗣無書

閱史六首

百戰淮西僅奏功澶淵欲戰已平戎
三紉相紱猶公道長爲萊公羨晉公

公安枯竹本何知標表精忠解不私
應笑神奇甘臭腐讒鋒得意幾餘時

樹威立敵祗商君俯仰欺誣莽更文
何事君王自聰哲三槐五鼎買崩分

帝惜人才幾手培誅鉏借作盜權媒
更憐孫息追仇誤忍死龍荒首不回

徐穉申屠晚見機當時張邴是先知
冥鴻久矣層雪上置網彌山漫爾爲

平時憤世謝王符更肯佯狂踵接輿
須信有心端有累與君乘木用舟虛

讀晉史二首

司馬家兒轉首亡
姦欺三葉是餘殃
區區牛氏何關汝
覆面猶須淚滿床

只知成濟犯乘輿
劉石兇威更有餘
狼顧魂靈應自反
尚將鬼責怖公閭

曹魏二首

睚眦漢鼎漫心勞
夢覺俄驚馬食槽
馬漸天飛龍在井
當塗能得幾時高

問卓諸公半虎狼
魏旗四指不畱藏
老瞞涓水如先死

未必炎劉果後亡

袁本初二首

入門偶藉移韓馥
健者何曾抗董公
須信阿瞞人物論
但言玄德是英雄

嬖孽朝兄主父囚
女戎街猾史蘇憂
便教官渡交綏去
二豎猶能亂冀州

公孫述

東來溫詔枉丁寧
隆少忠謀肯汝聆
不待賓臚延馬援
始知西帝偶人形

隗囂

諸父論情是至親若爲見賣苟全身發崔寃魄旋無憾
眼見君侯殺伯春

馬援

朱勃風標似可親文淵竟作白頭新平時輕侮知何事
辨雪寃誣獨此人

光武二首

濟業何關赤伏符王梁不拜未云疎君王幸卻東封請
底事終身溺讖書

閉關謝質保豐功建武規模見祖風宰輔駢誅非細故
平章敢謂茂陵同

高祖二首

未推壯邑賞平津已采先知赦奉春齊越淮南皆斧質
狂胡遽指漢無人

坐馘關東扛鼎雄指呼奴隸走王公祗緣奪嫡中心慊
反畏商山鶴髮翁

和憲

仁傑狂甥赴獵人頗能戴眼笑庭紳漢家退堡猶麻沸

江漢長翁文集卷之十八
正復羞爲女主臣

相如二首

中宵卒卒去臨邛賣酒壚邊混僦傭想見令君醒後意
向人深悔謬爲恭

逸德狂情賴補苴文君端合壻相如白頭曲裏殷勤意
不愧先生諫獵書

文帝

君王儉德本天然蕭相鳩營已造天不見千門拜萬戶
露臺雖罷未爲賢

詠史二首

暴楚狂秦席卷中謀臣戰將各言功端知四百綿炎祚
祇屬商山秃鬢翁

平側區分偶儷勻無階更復古真淳浪言此秘無前覩
畢竟休文是罪人

遊靈山二首

高人辟俗水雲居客子偷閑簿領餘本自毗耶病居士
不妨僧飯小躊躇

何年山股創禪房陵谷遷移不易量舊日中流小浮玉

江清長翁文集 卷之十一
如今欲到祗褰裳

早夏

安石榴花猩血鮮
涼荷高葉碧田田
鱖魚入市河豚罷
已破江南打麥天

滿地榆錢未掃除
畫簷忽復燕將雛
風窻夢破搔頭坐
重課兒時讀了書

偶題

霧紅煙白忽橫陳
雨後風光聖得新
說似遊人須著便
陰寒已破一分春

題人家壁

等是黃糧未熟時
車塵馬足竟胡爲
山翁不起功名想
足穀多由正自奇

棲隱寺紫薇花二首

深紅淺紫碎羅裝
竹樹陰中獨自芳
已伴白蓮羞遠供
款陪黃菊薦陶觴

絳霞影裏一徜徉
甚欲搜詩與發揚
馬自虺隤塵染袂
句中羞說紫微郎

題趙秀才壁

日日危亭凭曲欄，幾山蒼翠擁煙鬟。
連朝策馬衝雲去，盡是亭中望處山。

新林小憩見花二首

白玉毬團青玉枝，幽芳不恨見春遲。
除醲過後榴花未，管領風光更是誰。

畧得花邊一欠伸，羅衫歸去滿緇塵。
鳴鳩乳燕空多思，苦雨淒風不貸春。

贈相者二首

人言龐艾可功名，獨取臞儒子麼生。
槁項猶多吟擁鼻。

好移君眼與公卿

村同樗櫟將安用，官帶笭箒亦漫爲。
更欲品題人所棄，君癡尤勝老夫癡。

次玩鞭亭小詩韻

心事卽今驚白髮，世情從昔殼黃間。
寶家錦上四百字，祇道藁砧山復山。

竊祿未辭官九品，歸田止欠屋三間。
著書他日藏崑穴，或繼淮南大小山。

獻玉者三付身外，與馬爲二合田間。
亦知此足無人縛。

江湖長翁文集 卷之十一
政恐有文移北山

次林子長教授韻

伯主或能尊九九
餓隸恐復辦多多
盤餐勃宰不快意
鈎刀一割君謂何

豫章材成七年後
潢潦眼看三尺彊
山翁坐閱刺天翼
抱書亦耻崔嵬藏

次張節推山字韻詩畱其行

足音肯到寂寥處
風味要看樽俎間
行役小休良不惡
雷聲昨夜殷南山

人瞻甫里歎埃外
詩著蘇州伯仲間
爽氣憑銷殘暑盡
鈎窻不用對西山

紅塵嘆我奔馳久
空谷逢君夢寐間
政使公榮可無飲
風江驚浪湧銀山

再次前韻三首

粹學堂堂真有本
玄談亶亶盡無間
小回餘事入詩律
句法還能逼后山

老醜只宜崑谷裏
何人挈致俊賢間
雖云章服裹叔夜
尚有笞箠隨次山

江清長卷之十八
故人偶得一飯款僻縣纔餘十畝間赤米白鹽君勿謂
病夫官况等居山

靈崑道中二首

過盡南山過北山幽花好鳥翠霏間滿前風物牽詩興
可是平生馬上閑

涉澗登山倦不勝松間敲戶有人應竹簾瑣細爐煙直
小作蒲團入定僧

游隱靜往反四首

突兀南山萬仞青巖觀山頂白雲生今朝訪道五峯去

却向白雲生處行

煙樹雲生若有無行輿咿軋路盤紆小風弄雨晴還落
身在龍眠水墨圖

一隨俗駕走紅塵松竹生愁鶴怨人杯渡老師相悉否
野僧心地宰官身

夢覺篝燈暄暄明碧鷄啼罷欲三更定知山雨陣頭惡
但怪瀑聲雷漾鳴

戲促黃簿雞粥約三首

微吟仰屋耐調饑腹負將軍竟是誰側耳鄰翁隔墻喚

黃鷄粥熟是何時

鵝肉博喚寧復計馬肝知味不須評老宜此輩充庖宰
更問鑽籬與不鳴

隻鷄可饜小人腹未羨侯家千足羊借問解龜食指動
何如蒸鴨瓠壺香

次韻黃簿

先生不著惠文冠須信論才當價難法律刻章真未盡
盍言粹學輩豪韓

揮毫麗句得芴觀字字玄梨間木難可但詩聲高海內

有人金換過三韓

贈趙丞四首

老嬾無詩到雪梅僧窓馳坐撥其灰朝來好語成快讀
七筋驚投不為雷

君家鸞鏡照芙蓉笑我衣襦綻不縫想見後堂頽醉玉
梁州按罷晚粧慵

我衰但作一厘計認古宣城為故鄉待得故人來作牧
試吟打鴨起鴛鴦

共約京都看早春棗騮緩踏軟紅塵要君彈壓湖山景

莫惜新篇舉似人

無題三首

酒鴟車後無何飲易卷床頭脫復看豈謂浮生須此具
世紛方解不相干

才不時宜嬾治生學專信已一官輕只今尚友須千載
獨惜時無尚子平

居爲耕叟出爲官出處人將二致看朝市山林俱樂地
却須神武掛衣冠

臨澤寺畱題

乃子舊讀書處

發冢詩書謾一官舊遊重到鬢毛班塵埃可是山靈意
不待文移始厚顏

庚子冬望雪二首

冬盡風霜只薄寒人將雨雪卜新年癡兒不問豐凶事
但快茆簷炙背眠

隴麥枯時雪意濃可堪新日已曛曛因循度臘無三白
孤負明年飽二紅

次韻郭教授雪二首

霏霏透隙上承塵想見園林玉樹春明日銀杯隨寶馬

江清長集卷之十八
城東應有探梅人

世紛長作眼中塵酒力能回物外春清論挾霜詩映雪
卽今超俗賴斯人

元夕遣懷二首

陸海蓮開夜色鮮短檠燈下掩陳編風姨竟日鳴條罷
月姊因誰得意圓

平世計功須壯歲異時敵已盡亨塗鬢鬚久已沾青女
窮達何勞問紫姑

書南柯太守曲後二首

門前車馬競飛馳等是槐安未寤時何似阿憐歌此曲
一卮隨分得伸眉

竹葉舟前客念家慈雲甕裏事如麻而今不笑檀槐戰
笑汝研桑了歲華

次韻諸公絕句

時廣唱已
成巨軸

琳宇無塵夜色鮮露明叢菊月臨淵世間人境雙清處
誦與西風更此編

荆玉驪珠忽滿前未須攻石探濤淵南帆自詫歸裝富
準擬重呼阿買編

贈郭高叔三首

元宵作詞與太守陸子煥密寫寄營妓蓋欲其備卒也戲贈高叔

護香深閣寫烏絲有底朱樓聖得知與問天津倚欄客
庸非青鎖竊桃兒

燕臺賦就尚緘囊已作新聲遶杏梁見說負山常夜半
能言鸚鵡枉關防

翠扇紅牙淺黛愁梁塵飛下晚雲留貫珠未竟金杯側
却欠周郎一轉頭

游普向十首

調兩小解元得十詩隨得書之呈王仲衡尚書

西湖西岸三百寺一一題名嗟未能他日誅茅追勝賞

却尋詩版驗吾曾

一老昂藏物外高陳陳曾次盡龍韜功名未療湖山癖
却著袈裟替戰袍

青林果熟星宿爛脩竹風來環佩鳴翠影扶疎僧宇靜
吟餘屋角見雲生

藿鹽未必劣僧蔬塵裏光陰易破除他日摩肩霄漢上
却須此室與藏書

日冒風埃鬢脚黃歸懷絆驥可能忘誰知碧領蒼雲外
占斷人間五月涼

江浦長翁文集卷之十八
寺壁龍蛇石刻新夔州十絕典刑存鵝溪爲卷湖山去
擬與詩人到處論

遠近僧垣共白雲蕭然不著世間塵朝參夜講庸何計
野飯山棲已可人

處士前身自水僊天教清句紀山川卽今秋菊寒泉意
雙鶴飛來若箇邊

崇岡回首路縈盤夕照明邊小凭欄瓶閣淺沙催客上
玻璃影裏見長安

行穿老檜千尋影歸受涼荷十里風從此勝游縈客夢

夢隨黃鵠下雲空

十絕句呈章茂深安撫

雨餘涼氣曉風颯却愛朝陽一抹紅照影芙蓉天與遠
可能猶恨打頭風

忍饑畱得可羹魚微沫相濡未就枯自解柳枝投淥水
勞生與汝各江湖

二傍清淮酌酒杯四年霜鬢犯風埃卽今定被淮人笑
又見衰翁祿邀來

追尋名勝賸畱年白首猶參五字禪寄語蜚廉亟回馭

擬凌風去訪詩仙

詩伯于今第一流清篇傳誦到鰲頭共推句法源流遠
伯仲夔州只楚州

密受眉山一印傳斯文千載石林仙史君酷似牢之舅
更喜鸞膠續此絃

右史文章海倒流淮南異政古人儔親聞撫几推雙美
獨向夫君放一頭

楚城巉絕控窮邊楚俗傷弓未帖然一自并州煩李勣
不聞貴買渡江舡

里社過逢起醉眠行人魚稻不論錢欲知勸課功多少
地覆黃雲遠接天

經綸術業向來優千騎東方恐未儔他日應携報恩子
還朝看拜富民侯

村居二首

五風十雨梅破夏三青兩黃麥欲秋山禽諍語野花笑
瘦筇隨客下西疇

卷書揩目小披襟睡起初便茗椀深一縷碧檀無與侶
坐窻閑看竹移陰

謝三提幹召飲三首

既往則妓車
集一盃徑歸

坐上紅衣未放歌
客間冷面醺金荷
驚飛可待聞檀板
擬奈吾家故事何

賓筵笑語雜絲絃
說到山翁更粲然
衰鬢豈應粧面側
陳編只合粉袍前

不慣香風擁妓車
分當清坐冷官衙
歸來自笑殺風景
却把茶甌對菊花

謝兩知縣送鵝酒羊麪二首

僧樣齋厨冰樣官
飢憑脫粟食無單
不因同里兼同姓

背念先生苜蓿盤

麥生宜配臥沙羊
鵝肉仍便碧酒香
陡覺今年好又節
朝來紅日爲誰長

次兩知縣韻四首

老去棲遲入品官
劍願深悔誚田單
東鄰未省吟髭斷
笑擲牙牌命肉盤

暴醉琳腴飽棧羊
巡簷閑認小梅香
胡床曝背關情甚
古錦囊詩引興長

似我聲牙亦漫官
倚君風義尉羈單
開緘更識新詩法

脫手銅丸轉玉盤
政成無復敗羣羊萬軸書前一縷香明日過君况休務
茶邊清話不妨長

題椿桂堂四首 為莫 作

日日高堂笑臉新五株芳桂拱靈椿枝繁非霧根盤石
共閱壺中不盡春

靈椿移植自仙宮丹桂年年不辨供材薦明堂皆巨棟
君家培植殖富陰功

蒙莊漫詫楚冥靈獨秀吾今陋郤生更笑田家紫荆樹

每隨人意作枯榮

鴈影聯翩上絳綃庭蘭再世更奇標義方可但燕山竇
行跨當年八葉蕭

次石湖送炭韻贈龔養正三首

飢鳥窘兔不謀身君亦衣穿桂作薪小露化工陶鑄手
地爐分得雪中春

廣文書案雪沾身竈婦冰煎熅濕薪綵勝銀花猶拜賜

凍醅寒餅不成春 立春日大雪 是日國忌

寒谷水崖底著身望晨疑寢越王薪今年未辦巡簷笑

急雪陰風肯貸春

立春後雪寒特甚

送鶴鴨腊羹養正二首

鶴以憂不作詩

霜湖風草自徜徉夜網晨弦不易防作意分甘資一飽
為撩清夢到江陽

騷人茹粥耐支離過眼風光不到詩鄉味慙慙勸開肉
木妨新句解人頤

早春十絕呈石湖

不是風寒即雨寒朝來春意破天慳恠君未解春皇意
恐把韶華付等閑

倏看媚白破梅枝更喜嬌黃著柳絲春事斬新當客眼
可須山鳥報人知

樹外晴雲不擬飛東風無力慙單衣垂楊院宇斜陽裏
還是鈎簾待燕歸

中林頻度養花風合放林梢一點紅蝴蝶與春偏有約
依依先占去年叢

杏羞桃澁要詩催客子情鍾倍費才惜欠王家千杖鼓
輓雷聲裏看花開

未須看竹扣人門且復尋梅過水村香片點衣歸馬健

臨風只博斷吟魂

虎丘僧宇瞰坡陀幾許香輶載酒過遊子花驄煙外駐
麗人塵鞮水邊多

緩引牙檣載綺羅寬圍絲錦著笙歌小擡醉眼遊絲外
夕照銜城奈樂何

鴟夷古錦犢車轅盤薄沙鷗舞蝶前少日長安聚蚊夢
莫年詩酒解隨緣

館娃宮外趁遊人不見湖山自在春聞道石湖清絕處
芳時不著綺羅塵

題溪橋雪月圖

雪野無人訪夜闌冰壺絕景畫中看橋邊覺欠梅枝在
姑射嫦娥各耐寒

題高縉之劍室二首

高郎櫺具映峨冠沈燎茶鐺一室安遊刃聖經千載計
卽今長缺未須彈

皇家威德愴遐荒何物樓蘭尚頡頏想見詩人欷枕處
雲霄中夜有光芒

題龔養正孩兒枕屏二首

養正方
苦少子

小屏光潔雪難如寫出嬉然同隊魚索句擁書皆薄相
笑啼嗔喜莫憐渠

眼中何止舞雩童况是君家積慶重夢裏送來煩孔釋
要令門戶繼荀龍

次韻答陳夢錫十首

古人存心屹砥柱卷舒晦明付時行蕞爾之身函天地
政可蟻螻睨功名

吾宗石友讀書眼可但於易鉤其深日來弄筆課七字
萬象轉忙供醉吟

向來應俗用古學我亦未悔金注昏伍胥宰嚭各腐滓
吳歛越吟誰誦寃

巨室熒煌萬金產小家經營一簪餘克庸盟隨制挺足
更用荆尸來擣虛

姜子嗜酒不良行諸公俛顧慙登瀛尚堪堅坐作周鼎
底用詩名滿鳳城

冰壁未肯執名卿搔頭自剔書窗燈君家老人如椽筆
湘江鄞水倒泓澄

九重聖孝絕今古商雲麗晝南山高臺閣不無補袞手

江漢長翁文集卷之十八
付我五畝耘艾蒿

諸儒峨冠每捫舌四肢非骨寧自強卽今可言尚十八
直須坐治開明堂

續經發冢古今病未容灼膚防瘡疣決知蕭蘭異根葉
始議溟渤包衆流

詩人鋒鏃不可觸菅攬鯨牙撩虎鬚飛來此編更作意
詩行快對夔州圖

次韻吳守四首

時上冢得吳詩招賞牡丹

十日陰寒此日晴歸來趁賞大花春主家千斛香泉碧

却自摩沙漉酒巾

園林落粉吹香雪魏紫姚黃獨步春明日插花同一醉

小閑譚塵岸綸巾

莫管龍公嬾放晴主賓笑語自生春不妨妃子天香面

滿壓林宗折角巾

是日以雨行

當日謫仙隨鳳詔毫端寫出禁圍春沉香亭北人沉醉
誤認龍香在領巾

謝劉提幹墨竹見遺二首

王孫筆自徐州派戲爲詩翁寫渭川眼底疎枝欹密葉

靜含寒雨暝蒼煙

龍孫裊裊初辭籜鳳尾娟娟擬受風疎影向人翩欲舞
夢殘依約月庭空

劉有詩再次韻四首

小點猩毫出碧鮮枝隨文思各增川
祗應月地饒槃礴
心醉寒梢曳曉煙

已後湖州禿鬢翁喜君揮掃有遺風
幻成滯雨熹晴態
盡史塵凡一洗空

此君高韻已蕭然更向新詩得媚川
誰遣小家藏二妙

為君時炷水沉煙

耐暑支離倚瘦筇
百金未博一襟風
了知詩有蠲痾力
絕勝江濤捲碧空

題畢直閣繙經圖三首

凝碧有詩纔道死青蠟不語竟何禪
先生著論胡塵底
未覺丘明見仲尼

伯圖無繼昧尊生獨抱殘經析渺茫
地下威文應吐氣
人間宋李解升堂

中原正朔合天王細讀遺書瘦作囊
老子披圖揩病眼

江湖長翁文集 卷之十八
爲公重炷石爐香

循資趙宰有賀詩次韻三首

宦塗跛鼈陵坡上學舍寒蟬飲露清
甃甃強顏纔跬步
不應天驥與論程

蒿帛入門無幾潤妻孥食粥有餘清
文林則添減如此輕肥騰

趨非吾願矻矻雌黃且課程

反唇餘子輕玄白屬目耆儒上紫清
老境我甘追汗漫
明時君合訂章程

都下春日

煙林紅翠已班班雨後春工不暇慳
付與笙簫三萬指
平分綵舫聒湖山

次韻荅趙文卿四首

才名一世未通班天向詩人每坐慳
不作上書來北闕
可無携妓醉東山

平日詩聲不易班聯翩屬我未應慳
得無紙貴咸陽市
當有人逢飯顙山

小燕招邀尉病顏何曾雨澁與風慳
分明喜鵲先知得
未曉飛鳴鬧屋山

簾疎財許客窺班未得纏頭小破慳已結雲愁蜚蝶夢
莫斜秋水感春山

次韻袁憲勞軍許浦中路冰合二首

風聲雪意恣馮陵更挾霜華夜氣凝水伯護河銀作板
欲畱公聞玉壺冰

細讀清詩擬泣岐問津平日幾河湄只今西去須遵陸

平地風波恐更危

予亦阻
水常州

次韻袁憲打水移舟二首

倚桄扶篙待打水回思鷁首漱波聲定知行止非人計

料理詩愁喚麴生

畱滯何曾念奮飛君恩已布得徐歸賢勞肯羨膏梁子
醉眼瞢騰坐妓圍

東行定見野橋梅望望花隨驛使來曾約南枝春信否
急煩好句與催開

贈何符山人二首

小詩落紙粲春葩傳遍侯家與主家未恠東來將隻影
十年囊筆飯京華

冷看俗態詼嘲裏緩閱年光醉夢間想得酒瓢詩卷外

此生無物更相關

趙介卿見簡解嘲二首

複閣朱樓繡箔寒
蕙蘭風處各嬋娟
詩翁它日揚州夢
回施京華美少年

酒家舊識元真子
街吏嘗隨杜牧之
回首昔遊堪一笑
暮年茶果祇僧期

寓吳門十首

張監雨居平江率趙守
袁憲月助桂玉費作

一寒驅去還千祿
萬慮紛然祇愛山
閱世恍如清夢覺
求田聊計白頭閑

官卑責薄得徜徉
漫仕歸來味更長
它日故人多好事
籠鷄載酒未吾忘

諸公念我閑無食
粟繼輿臺扣戶頻
眼底梅花還索笑
酒腸詩膽已輪囷

溪翁園客問何如
可諱浮生百計疎
不憚典衣規得酒
長因乞米術能書

向來勇策著書勳
一刻曾將白璧論
老去先陰都不惜
靜看鳥兔役朝昏

與闌猛輟凌江棹
重看鶯花茂苑春
歸自乘流畱亦好

江湖長翁文集 卷之十八
浙風淮俗總宜人

日日煙林野市間
路人應作老狂看
排門賞竹寧辭罵
踏雪尋梅苦耐寒

稚子浪憂陶令老
山妻終譽仲卿賢
虎頭試寫經行處
龍具寧甘未死前

禹益咨俞儼紫庭
藩星仍映使星明
鄙夫少日三千牘
盡付詩情寫治平

平時觴詠妨生理
此去狂疎託上官
但使推敲貸衝節
不煩排日報平安

次韻張丞

官上絕無歌酒樂
堆厯了事孰非癡
開樽良省纏頭費

却有新章贈雪兒

是日仇香出籠不費而歡洽有小曲之傳

次張丞送菊韻二首

時已十一月

粉身免泛杯中物
並駕容陪隴首花
况耐歲寒雙榦在
周旋三益羨君家

寒花彭澤門闌舊
好句柯山伯仲閒
貧負清樽只三益
詩人錯笑庾郎慳

紹熙壬子勸耕妙勝四首

縣曹文墨厭拘纏野飯山行舊所便
祗道窮塗難措足
朝來風日爲誰研

每愧敲榜辦賦租
會心還喜勸耕初
渠儂嗣饗金穰慶
老子長捐柱後書

勝日乘閑覺半仙
笑摩老眼向風煙
半章春事禽能語
媚嫵韶光柳未眠

桑條麥隴接比鄰
社酒家炊馬路人
風俗尚如它日否
憑誰細問故園春

淨居勸農三首

妙勝庭前折小梅
淨居門外躡枯苔
日煩禪老羞茶供
親與田翁把酒杯

今年春計定何如
說道家家甌石餘
滿意爲翁開笑口
老夫心事祗耕鋤

簿書堆裏得抽身
梅柳風前觸眼新
報荅好春還著語
今朝猶喜是閑人

次韻王統制喜雨

公餘競病揮詩筆
誰似風流老伏波
對雨肯來同把酒
當令阿素爲君歌

示阿泰三首

字累登招寶獨畱守舍既歸小詩付之

會倚新晴望海天
天容海色湛相鮮
奩中遙點羣鴉影
萬舶千艘忽過前

官上依然四壁空
訟庭人寂每從容
看家不爲穿窬計
老去登臨分外慵

老稚懸知樂有餘
迎門先問小於菟
風煙滿眼山環海
對酒還會斲句無

次王巡檢韻三首

王得子詩錄之本

指腎搜腸不自奇
細模深刻似非宜
流傳縱便鷄林售

指撻防遭鵝腿嗤

平生嘿識元詩昌
對客揮毫底未忘
祗恐韓陵讀碑客
誚君草草誚吾狂

每愧銅盤走柘丸
忽驚檀軸卷絲欄
真成弊帚千金享
笑喚諸雛掛壁看

朱倅索詩作三絕謝之

因循不試推敲手
日月消磨簿領間
舊故書來盡新作
窮兒券負幾時還

多謝詩翁肯唱予
挑燈泚筆復踟蹰
龍文虎脊渠皆有

鶴膝蜂腰我未除
從公揮掃且觀傍
免費雕鐫苦腎腸
血指忍慚嗟已老
怒聯相向更深防

瑞巖寺三首

嶺岫周圍鑄縫無勝流
三百鑠冰壺客來誤作囚山想
猛憶門前自坦塗

橫前石廩疑無地步入蓮宮
別有天說道三山環弱水
不應回首羨巢仙

已到平生未到山朝來白水漲
田間要須樂事成三絕

更倩詩翁露一斑

再次韻三首

得君清句我愁無不惜長哦缺唾壺
句法森嚴誰到此
了知島可但中塗

俗塵我亦憐多病道價師今重五天投
老鼎山追舊約

未妨林壑着臞仙

寺主作庵
鼎山云

連朝飛雨暗羣山局步脩廊廣霑間
會作閑人畱十日
當令屐齒遍苔班

喜雨二首

未寧開善皆畱宿夢破階除急雨傾人道行車定膏澤
我知龍伯念春耕

招寶山鄰娑竭宮縣峯仍接補陀峯晴晴雨雨皆如響
謬挹池鰻拜土龍

定海甲寅口號七首

長官清苦舊傳聞檢放秋苗近四分畢竟不緣胥吏手
旱頭科斂枉紛紜

田租有約不相違比着豐年數已虧一飽分明郎首賜
幾曾刺口問抽卑

已抄口數報隅官歲後朝餉定不難且願眼前彊健在
趣坊討海過冬寒

水泛溝塍意欲饜凌晨還復雨廉纖早秧未領其感切猶

須挿晚穀無多不更埤直廉切

父子分頭上海船今年海熟勝常年官中可但追呼少
不質田輸折米錢

鄰家兩兩捉春歸笑語相過復嘆咨共說颶頭前夜作
幾人蒲網罟流尸

連宵飛雨喜滂流已入梅天過麥秋二十年前如此晚

江湖長翁文集卷之十八
金城地抱却全收

謝張德恭送糟蚶三首

德恭師
文友也

舊箋蟲介甘溫性樽俎風流每策勲况復舖糟小醒後
眼中羣品此其君

壓倒淤泥白蓮藕半捐介甲露穠纖玉川水厄那知此
急具薑蔥喚阿添

誰與江蟠角長雄一時風味兩無同吾兒不友王文度
底肯分甘及乃公

再次前韻三首

春事兼回寂寞濱茅簷背日已書勳徑須引睡攜黃妳
未辦尋芳命紫君

連夜愁陰苦戒嚴雪將寒雨闔廉纖老人凍臥人情斷
米價何如酒價添

茗甌對客乳花濃靜聽揮犀發異同度臘迎春如此過
不知人世有王公

張守送羊羔酒將以三絕次韻荅之

生嘗跪乳資名教死去遺芳謚碧香洗盞開嘗吾未敢

稱寃肯入菜羹腸

俗云秀才食
羊踏破菜園

江湖長翁文集卷之十八
二百七十一
小槽清凝帶羶香釀法知非羸角羊拜賜未辭乾講舌
呼兒畱得薦蒸嘗

甕中別作一家春粉竈微生得效玆少貸陶家煎雪水
更論徐邈對賢人

郡齋鶴飛來作三詩還之

側頰翹然望四遐芝田懸圃不應賒僊僊飛俯苑茨下
誤認西湖處士家

不知蝸舍安卑陋何似侯家效羽儀千字罷賡明遠賦
一詩聊送佐卿歸

蚤然今似客還家

卓鵲却陪新飲啄啼猿儼識舊容儀可須辯士誑荆楚
似喜逐臣還秭歸

人家往往琴堪劈誰定如翁肯放回他日颺輪駟脩翮
銜恩當復誓雲來

題項處士山堂二首

一庵小憩俗間勞月牖風軒俯鳥巢我亦青衫倦遊者
羨君先辦蓋頭茅

久安楚俗眠雲屋又向吳儂倒藥囊出處無心俱樂部

世間何處不山堂

江湖長翁文集卷之十八終

君家矯矯乘軒骨聞道今成趙壁回却擬黃堂掣鈴問

夜光論斗幾時來守許以詩贖

張守有和章復次韻三首

一骨萬金知未愜五雲七字不妨賒此翁久斷揚州夢
徑付凝香舊主家

接翼鴻冥聊爾爾爾大書麟獲更儀儀雄邊仙伯橫琴處
應道蘇耽興盡歸雄邊臺名

閑舒側理題長句漫與胎仙紀往回花徑宿鶯樓着燕
因思如願賦歸來

小槽清凝帶羶香釀法知非羸角羊拜賜未辭乾講舌
呼兒畱得薦蒸嘗

甕中別作一家春粉竈微生得效玆少貸陶家煎雪水
更論徐邈對賢人

郡齋鶴飛來作三詩還之

側頰翹然望四遐芝田懸圃不應賒僊僊飛傍苑茨下
誤認西湖處士家

不知蝸舍安卑陋何似侯家效羽儀千字罷賡明遠賦
一詩聊送佐卿歸

君家矯矯乘軒骨聞道今成趙璧回却擬黃堂掣鈴問

夜光論斗幾時來

守許以詩贖

張守有和章復次韻三首

一骨萬金知未愜五雲七字不妨賒此翁久斷揚州夢
徑付凝香舊主家

接翼鴻冥聊爾爾大書麟獲更儀儀雄邊仙伯橫琴處

應道蘇耽興盡歸

雄邊臺名

閑舒側理題長句漫與胎仙紀往回花徑宿鶯樓着燕
因思如願賦歸來

再次羊羔酒韻三首

元放諸孫憐遽許截肪醉骨薦馨香茂先九醞猶須問
自是詩翁石作腸

萊子杯盤別樣香春浮親面日相羊老夫底幸霑餘瀝
却笑無魚客孟嘗

他時阿奮辭髯簿來作東風席上珍安得方平鞭亂石
百觚陸續丐吾人

再次還鶴韻三首

挈來室邇念人遐回首青山幾許賒飛去定驚魚磔水

蚤然今似客還家

卓鵲却陪新飲啄啼猿儼識舊容儀可須辯士誑荆楚
似喜逐臣還秭歸

人家往往琴堪劈誰定如翁肯放回他日鸞輪駟脩翮
街恩當復誓雲來

題項處士山堂二首

一庵小憩俗間勞月滿風軒俯鳥巢我亦青衫倦遊者
羨君先辦蓋頭茅

久安楚俗眠雲屋又向吳儂倒藥囊出處無心俱樂地

世間何處不山堂

江湖長翁文集卷之十八終

江湖長翁文集卷之十九

七言絕句

次韻楊宰汲泉浸梔子花

山行不識小人羨但有清寒餉瓦罍想見雪膚陪獨夜
世間無比長官清

次韻張守三首 史君治惡子
邦人快之

頻歲中田苦螟螣為渠秉畀作豐年只今鼠子誅求地
巷議街談一粲然

平時漫詫跳梁去末勢寧逃死棄如但遣鯨鯢絕吞噬

茫洋春澤盡嘉魚

虐天子子是無天
謫一何妨惠億千
聞道蝸中猶滑渙
可借五細尚窮邊

次韻張守四首

守出郭回

畫舫前頭碧湛空
晴雲低影更溶溶
橫陳景物無央數
盡獻詩翁阿堵中

新詩囊錦墮春窻
旋炷銅爐百和香
試握毛錐支勁敵
獨憐赤手強扶瘡

舟凌清泚轉彎環
立鷺馴鷗拱挹間
還憶苕溪聽鳴櫓

歸來清夢定家山

葱青嘉樹被平崗
素艷丹葩半在亡
安得芳春并好客
一時難老倚玄霜

慶元冬再到盱眙四首

虎頭山下參天柳
親見栽時共我長
柳自摧殘人自老
半生不抵熟黃梁

平日朝京此問途
如今一水剪坤輿
客來羨殺閑鷗鷺
北翥南飛得自如

醴筵曾作二年畱
靜鎮人今郭緝侯
望斷江南空夢到

西風斜照白楊秋

日行犂确面孱顏舊慣山居意易闌見說煙雲暝嶮啐
北人爭指畫圖看

閑居十首

營隙地頗事栽種隨遇作
一詩前後不同故無倫次

雪雲脫壞漏朝陽風物橫前引興長紅糝紫蕤今次第
遷鶯來燕費商量

種桃接李不辭勤旋作花前把酒人羨殺文禽映花語
飛來趁得見成春

春來敢自貸衰慵正要檀欒間白紅愛竹劣畱枝策徑

灌花分破著書功

僊僊弄影俯瓊瑤月地香紅苦見撩清夢定為蝴蝶去
杏花繁處宿良宵

破曉東風尚作寒孤筇隨客已嬾姍絕知蚤起非吾事
要趁梨花帶露看

步屨歸來未覺勞迎門喧笑問兒曹笑翁渾似魚千里
小圃周圍日幾遭

閉關不為賞心闌咫尺東園到自難斟酌東君惜春色
破除十九作陰寒

病減還思近麴生嚼花嗅藥對空瓶不應斗酒錢三百
猶惜春衣耐獨醒

桃李爭先不待催梅花轉首已青苔卽今蜀種胭脂樹
壓倒羣芳尚嬾開

寒食清明一箭過晚晴庭院綠陰多兔葵燕麥易輕脫
紅藥碧桃須孰何

趙園飲三首

不謂東君雨後春尚多紅紫待遊人天香更有西京種
來伴賓筵笑臉新

收藏春色駐年華珍重王孫好事家肯挽歸驂共良夜

一天風露一林花

酒邊容角少年狂扶路歸來興未央羨殺雄蜂雌蛺蝶
月膏煙膩宿花房

客夜不寐四首

久客情悰苦鮮歡園林搖落菊花殘北風作意吹霜曉
又報江梅一信寒

陣鴻鞦韆上雲衢夢欲成時每破除少睡更堪寒夜永
新來熟遍少時書

汀洲長氣文集卷之十九
清樽黃卷交期絕
芋火前頭老
懶殘賴有平生短
檠在
一燈明滅伴更闌

飛騰志意老來休
却聽鷄聲吟掉頭
催雪憶梅還得句
到家準擬阿儒求

題九老圖二首

涼亭燠館塵埃外
野鳥溪花俎豆前
但愛林泉映華髮
豈知勛烈載青編

帝憐憂國許歸田
猶得幽居俯澗瀍
應笑詩人賦招隱
茹芝帶索只臞僊

題行山圖

溪山無處著纖塵
翠壁蒼漪襯月痕
可惜人間清絕地
葦間漁父與平分

江行四首

帆飽舟輕去若梭
平生忠信傲風波
忽然隱几驚搖兀
知是那吒石畔過

舟鷁凌乘著羽翰
攤錢三老喜安閑
江豚白鯢欺人甚
噴浪跳波帆影間

遠近青山不辨看
翩翩征鴈敢爭先
船頭起浪風頭孰

不假驂鸞自半僊

帆桅飛去劃空明
人倚東風兩翼生
世事快人如此否
日斜三百不畱行

到房交代招飲四首

躡盡巉巖氣未蘇
悔來坡下獨長吁
一觀煙霧南山面
從昔名坡信厚誣

簷外浮嵐暎翠堆
道人親眼爲渠開
食錢官簿何須計
直爲南山亦合來

勝日山堂共一樽
未妨窈窕對嶙峋
髻分翠影眉爭綠
人與南山各可人
妓圍簷額潤空青
岫幌雲關夜不扃
吏隱風流輸我輩
可須逋客詫山靈

再次韻四首

山好能令肺病蘇
詩來把玩更驚吁
蜀人例作殘山看
端喜因詩免受誣

語不能工恨作堆
撚髭空對翠屏開
清吟賴有雕龍手
繡段聯翩詔後來

牽确悍頑經數驛
醒然初挹碧嶙峋
眼明驟與真山晤

不比逃虛見似人

山色陰晴遠更青誰教睥睨枕巖扃詩翁意欲移千步

安得朱符祝巨靈

公云山甚佳惜不更遠二三里

再次交代韻四首

筆力潛窺大小蘇詩傳諸老定噦吁從今訂價連城重
政使羣兒有善誣

昔夸石廩祝融堆劣見人家盡軸開坐挹高寒吾願足
此行似爲此山來

環秀亭中命淥樽雲煙明滅映嶙峋佐州不喜分風月

喜與南山作主人

詩人妙思天同巧鬼守玄關不及扃閑挹山光誦奇語
斷無塵滓溷襟靈

再次交代韻四首

嗣皇仁覆物昭蘇臯自陳謨鯨白吁聞道諸公扶國論
須君左袒訂邦誣

今朝著我簿書堆領客樽壘未辦開始信南山是知己
露奇呈秀斬關來

漫叟當年白作樽侑樽青嶂漫嶙峋與君屢共山前醉

似覺清歡勝昔人

傳聞洞府鎖高青探著詩成數啓扃想見羣仙書玉葉
更應交口歎精靈

再次韻四首

君家詩價自姑蘇系胃蟬聯世喏吁欲把阿元輕輩行
古今俗子喜相誣

世稱韋郎葛立方謂士元非
韋比立說甚嚴見韻語陽秋

眼底薔薇玉雪堆過從休待牡丹開送春疎洒山應笑
底用奚囊日往來

是日同
小酌

視草行看賜上樽濁醪付我酌嶙峋扶攜誰共山前醉

從此無君度外人

詩愁磨盡鬢邊青玄鑰無施閉理扃牛渚錦官祠廟古
瓣香儻格在天靈

復次韻四首

諸李辭章推李白向來蜀道賦噫吁房陵山險猶如許
石穴巴邛定不誣

昔上瞿塘豔預堆盤渦如井放船開山行歡喜今非錯

備見梢瀆擊漩來

地有錯
歡喜山

十里髻鬟誰綰結半天蒼翠自嶙峋教兒莫憚依山住

闕領裁衣盡土人

病肺還孤竹葉青

房酒頗佳

小園春去尚深局春衫紅藥強

相比婢子可憐無性靈

襄陽二首

自憐薄宦走紅塵相見山靈厭俗氛只尺峴山無計到
祇應飛雨是移文

採藥僊人去不還鹿門山翠鬱孱顏霜髯尚困卑官縛
自問胡顏上此山

春陰二首

連連麥浪搖空闊挺挺松幢舞暝寒眼底春工餘幾在
更堪風雨苦摧殘

園林桃杏已無餘雨挾春寒擅曉晴芍藥紅慳猶料理
海棠嬌甚可枝梧

祈雨而應范簿有詩次韻四首

蒼黃日日冒黃塵敢意誠通主雨神曉起遽聽沾足報
天心政爾念疲民

瓣香親謁睡巖龍高臥逶迤豈自公巖下望龍須一怒
向來作止繫凶豐

久無音信日邊來
憂國誰憐愴老懷
想見天顏歡喜甚
鴛鴻入賀滿堯街

山城粗滿望
覓心老去私憂念
自深更祝今宵繼疇昔
併煩魯史紀爲霖

漢江岸二首

一自陽侯戰雨師
棗畦桑隴但空陂
此君屹立如尊勇
依舊青青似昔時

沙隨秋漲漫川原
沙外人家盡毀垣
寄語飢羸莫深恨
西人無數飽魚鼈

題驛舍二首

客到淮鄉話楚鄉
長將天末指襄陽
如今漂泊若休問
又過襄陽十舍疆

官曹有底著迂疎
祇合江湖老釣徒
萍梗可能忘在莒
尊鱸祇有夢歸吳

呈程帥五首

平輦陸海吸潘江
羽扇雍容築受降
許蔡衡湘全楚地

了知株檜不成邦

坡詩北行連許蔡南人極衡
湘楚境橫天下壤正信霸王

景物橫前祇費言
何妨折簡喚鄒枚
連朝積雨前宵雪

江湖長翁文集卷之十九
總爲催詩陸續來

不將杯酒破衰顏
轢月凌風取鬢班
雋永要同無味味
雕搜聊樂不閑閑

客間久欲賦歸歎
歸去何人爲起予
平日嘔心空子墨
羨公落筆便黃初

一樽規度雪寒朝
小輟鳴弓抗射鵰
未用軍書送巾幘
故人祭竈有佳招

程帥寄詩見憶次韻四首

擾擾飛潛易陸沉
化工剝手斬然新
飲光一笑知誰繼

試把玄機舉似人

清篇屬我尉平沉
密密玄關領會新
從此倚門麾捕影
更將形似許詩人

車笠何人記舊盟
惟公不作白頭新
渠儂欲識九華伯
可但詩壇第一人

子雲屬思舊深沉
脫手清詩語意新
天上黃陳應首肯
授公此柄淑諸人

六絕句呈趙帥兼簡鄭機宜

二公同
乙未旁

南徐把酒送行行
行話我漂零倍愴情
屈指六年纔一夢

更消幾夢了浮生

玉筍班中第一流
冰花影裏醺瓊舟
來遲輸與花前客
袖手看公筆不休

鴈塔題名盡俊賢
卽今十八臥重泉
合離榮瘁何須較
強健相過是半仙

宦路平時欲陸沉
先生誨語每南金
長庚配月空回首
古井無波已此心

瀟灑閣東久停櫂
幕府人閑早放衙
頻喚羊何把詩筆
卽看姚魏用年華

長日登臨憶侍郎
芳時譚笑客凝香
須公多辦瓊花露
容我時開古錦囊

房陵十首

似聞僊伯厭乘龍
常混紅塵市井中
覲面未須趨避我

褰衣無計跋尋公
房人謂巧避云趨避力尋為跋尋起七靴反跋音軟

陰晴未敢捲簾看
苦霧濛濛鼻為酸
政使病餘剛制酒

一盃要敵滂朝寒
晨起霧久乃開土人目曰滂朝

雪壇歌舞雜嗟吁
下酉猶濡上酉枯
誰謂朝來一拆雨

歡聲已覺沸通衢
滂水既曰酉得雨日一拆雨

竹屋高低正復斜蔚藍影裏著人家底消山峽三分瘴

爭課盧仝七椀茶土人晨飲茶云勝山嵐氣又曰房三分瘴

夏田少雨富來牟多雨何妨穡事秋已戒日供皮子麵

更教晚稻飽霜收麵皆糝不糝者曰皮子麵稻待霜乃收曰飽霜米

跨牛待得夕陽回在處諸嫵笑口開已借蠟錢輸麥稅

免教緝捕闖門來弓子下鄉目以緝捕

杯酒清濃肉更肥咸言趁社極歡嬉丁寧向去坐年日

要似如今斂脯時年日飲食曰坐年社曰斂脯

農閑閭里有逢迎白飲傍邊骨在羹老稚不妨頑過日

邊頭難得是升平俗謂戲曰頑羹曰骨在

刈罷秋禾未敢慵更須趁逐過殘冬城中竹筴今年貴

鹽茗新來免闕供賣枯竹供爨曰竹筴古巧反

翁媪同圍老瓦盆倒荔新酒雜清渾規南規北皆春社

且放鳥犍臥晏溫村落所聚曰規

春寒六首

掃雪堦頭曉未乾東風作惡鼻仍酸西園點檢江梅後

祇有櫻桃不避疑

稍稍春光到眼中衝寒試與小檣筇杏花已尾櫻桃拆

江湖長翁文集卷之十九
正萼深紅間淡紅

衰年心緒自低摧
可是青春昧一來
幾日不教書作祟
爲畱病眼向花臺

去年秣地傷秋潦
春酒澆醅不可親
紅樹梢頭山鳥語
祇應笑我獨醒人

清明寒食經旬是
笑問風寒更幾餘
小杏惜香春恰恰
新楊弄影午疎疎

平明欲斂雲復厚
薄晚未休風更顛
老怯春寒不宜出
下帷添火擁書眠

同沈守勸農十首

誰似青君用歲華
徧分春色到幽遐
房陵遠近山千疊
到處東風到處花

門橫石瀨漱潺湲
兩兩人家柳映門
花影濫紅山影碧
客行疑到武陵原

行遍西阡更北村
檀欒處處綠梢雲
官身未敢山間宿
可得排門謁此君

共扶翁媪看行軒
亦有娉婷立道邊
侵鬢黛眉唇淺注
松筠勻瑩茜蓂鮮

江湖長翁文集卷之十九
十四
沉炷茶鐺且翠微歸軒何惜小逶迤晴天璧月今宵好
待得金波泛夜時

紅旆朱轡得暫陪端知非爲踏春來卽今歸馬班如意
定被山花野鳥猜

林花斷續碧溪長好在冰奩照靚粧泛膩流膏知遠近
未妨粉水更添香

病來止酒似淵明潘岳歸田賦已成布穀催耕如見諗
提壺勸醉更多情

抖擻平時簿領塵偷閑來作看花人從今日作花間夫

已費今年一半春

露粉煙香細孰何荆扉竹徑喜經過陽和若作畱連計
誰遣飛紅掃更多

不寐二首

改遍年來所著書依然幽夢隔華胥寒更何與衰翁事
數到琤攄般點餘

追思可樂是丁年日力孳孳有食眠頭觸屏風抵燈後
慈親笑勸掩陳編

觀山四首

予創小亭觀山五月十八日偕客遊是
日晴而雷防雨先歸三月亦爲此遊晴

出雨歸坐此小不快蓋懲此也二十六
日滿罷而去因作此紀之築亭所委張
道堅也

晴春載酒小徘徊
倏作衝泥冒雨回
畢竟山靈嫌俗駕
卽今還殷阿香雷

每從迫隘面孱顏
劣比緣墻見髻鬟
好在此亭同把酒
與君全體看南山

山如豪俊略方隅
傲睨驕蹇未受拘
爲著孤亭凌縹緲
至今端委正衙趨

道人動作千年調
京兆纔餘五日留
此去浮圖桑下意

得無追憶費冥搜

郢州守風二首

驚風清旦捲黃沙
薄暮蜚雲尚砲車
今夜石城樓上角
不妨重聽小梅花

甕盎轟厖恣擊撞
珮環時亦奏鏗鏘
風濤欲靜猶須怒
一付天吳自抑揚

過呂僊洞四首

神遊八極此焉歸
紫府天寬石作扉
倦客重來炷沉燎
轉頭六十七年非

天人蛻迹便天飛混迹塵凡世得知歲歷七朝踰六百
朝朝冷眼閱行尸

嵌巖中有玉爲壺不作嵇生守煨爐玩世肯嘗東老酒
翻身時過洞庭湖

塵蹤了鳥病催殘夢謁真人九轉丹已熟浮生枯骨觀
更悲凡質遇天難

書事二首

壯年膚骨已清臞老去支離轉不如二十七年扶病過
半緣耽酒半耽書

苦吟添滿鏡中絲課效全輸博塞嬉改就新詩哦百過
浪言兒輩不須知

客枕不寐二首

老羨平生睡作魔矧因多病覆金荷起憑曲几頻搔首
如此迢迢良夜何

嗚嗟鄰鷄幾番鳴琤撞江浪欲無聲擁衾寧復還家夢
望殺蓬窓未肯明

次韻郭帥梅三首

客子徒煩賦憶梅怯寒未肯臘前開定知酒處頻回首

有待江南信使來

薄遊他日爲尋梅爛賞菁村十里開冰影玲瓏想仍舊
夢爲莊蝶認香來

後乘從公訪古梅梢含笑臉未全開不妨東閣撩詩興
未分愁聽起夜來

寄張守仲思十首

一思交好一悲悽楚嶠吳山夢到迷怕說萬山天樣遠
房陵更在萬山西

詩成跼步遣長鬚江隔郵筒已自疎相望六年無一字

故人何計尉窮塗

相從軟語說睽離起我清譚更好詩別後憂虞今痛定
未須細誦悼亡辭

知君喜客我攜雛徑喚郎君到坐隅二子通家仍莫逆
可憐相對各縷麤

衰年淡食當膏腴不爲聞韶味有餘定自迎門驚骨立
可須廋語及河魚

迂船徑欲一相過安德橋西之字河未苦路長寒切骨
倚君一笑作春和

江尚長翁文集卷之十九
十八
珍蔬解佐盤飧飽妙劑真令病骨輕鍾乳此薑皆楚產
薦芹聊致野人誠

衰慵潦倒知無用祿邀扁舟味此來滿聽勝譚心已足
浩然欲指弊廬回

我方投老嗟多難君亦頻年悼百罹樂事定知神所妬
把盃追話唱酬時

詩社同盟欲二年吮宮含羽飽周旋儀真又屬風騷將
定喚閑身續此絃

寄廣教主僧二首

回車半日贊公房香積酥隨不一嘗可但山行休脚力
免教飢火燎枯腸

麥縮銀絲稻薦珠春窻曾是飯伊蒲明朝再蠟登山屐
更肯開單共飽無

題潮出海門圖二首

絕島平岡捲欲空兩崖相對屹穹崇卽今畫手兼詩筆
更與江山角長雄

卷裏濤波快一披蒼山踴起雪山馳浮天沃日無窮意
到我春窻病酒時

再題二首

天笑憑怒鼓濤瀾不作閑居卷軸看夜半負山誰料得
重來坐失兩高寒
濤頭蜚過不斯須祇合朝昏展此圖緬想海門纔未勢
終然眈澮視江湖

贈淨慈主人五首

肯堂師住明之瑞巖子宰定海時為師出不一二云營庵鼎山

他日委兒輩以家事約訪師山中為年歲留榻來行都則受淨慈請為主人于此子既汨沒而師亦未得歸休也因寄五絕句

平時野飯與巖棲忽向皇都作住持見說禪和蜂蟻聚

心閑祇似瑞巖時

炊珠爨桂走門徒須信高人道不孤政使過門盡侯主也須拳棒做工夫

識君方吏虎存邊已歎疲羸雪滿顛別後漂零怯人問

窮山往返費三年

虎存定海山名

寺前寺後花如錦想見遊人撥不開好把春光供一笑從渠塵鞮浣蒼苔

師似蜚雲未定居我方薄宦走江湖鼎山他日過從約借問今猶記得無

畫過荷葉浦二首

荷葉浦邊支港多
兇人出沒土人窩
故人飯我非畱滯
月黑天陰免夜過

一舟失得關生死
中夜何人肆攷攘
外此湖江多樂土

憶常通夕聽漁榔

過舟云爲賊奪舟驚奔幸免

約徐呂二友訪淨慈老二首

先是過廣教寺牝丹盛開不我前後客主

大喜

魏紫千葩壓曲欄
問君何似檐頭看
城西更有芳菲地

舊約重尋莫作難

人間機巧厭相親
南道吾今有主人
誰與清遊聯此轡

呂兄孺子最真醇

再次寄肯堂韻五首

住山今日得宗師
妙與緇徒示總持
衣鉢更緣延客盡
衲衣包却鄭當時

丈室雲趨彼豈徒
拳拳此意忍容孤
卽今又舉二三語
說似當年邑大夫

共譚詩律更譚禪
人指昌黎接大顛
屏疊葛藤燒筆硯
息陰休影了殘年

江淹書
卷之十九
眼向朱門每嬾擡今朝笑口爲君開別來却喜人爭席
浪遣長鬚掃徑苔

好在新居勝舊居右連靈隱面西湖東南勝境誰同領
我亦閑官一事無

題潘德久侍兒扇

侍兒去而復回

鞞塵去眼恨成堆賦客當年浪費才何似天風吹霧鬢
乘鸞新自月邊回

題張省幹扇

前溪天闊淥泱泱溪上詩翁引興長安得南風吹小艇

吟看千蓋擁紅粧

題臧子儀扇

買鄰千萬許兒賒老子詩成賴指瑕門枕醴泉交讓木
行人不問識君家

題扇集句五首

寶扇重尋明月影月邊仍有女乘鸞主家陰洞細煙霧
姑射仙姿不畏寒

庭院深深深幾許美人緜渺在雲堂落花遊絲白日靜
錦薦金爐夢正長

竹裏高亭燈燭光月移花影上西廂蔗漿金椀冰盤凍
始信人間五月涼

自恨尋春去較遲古來四事巧相違如今說着成離恨
曾爲梅花醉不歸

綠槐高柳咽新蟬綾扇喚風闐闐天見欲掃床懸麈尾
簞紋如水帳如煙

題扇七首

桃葉渡頭魚噉春莫愁堂上燕依人玉觴欲舉心先醉
痛憶當時迹未塵

吳霜有信鏡先知楚雨無蹤夢自迷風榻燒香作僧過
羅襟得句爲誰題

聞道廣寒脩月手靜看如鑒忽如眉卽今扇裏乘鸞女
解笑嫦娥不自持

東絹須題黃絹辭老來斲句不能奇定知爍石流金日
記我持觴賞雪時

裁就霜紈未副揮濡毫欲下更遲遲昔遊尚記蕪湖夜
把酒中秋見月時

峨眉山下雪極目方丈海中冰作壺我自飈輪隨所往

憐渠局息寄洪爐

廣寒二十五萬戶跪奉素娥聽指呼
落屑欲堆懸圃滿人間但愛玉輪孤

再次寄肯堂韻五首

夢思遊覽尉衰遲起耐陰寒不自持
捉筆把盃吾技癢可堪袖手過花時

是日早陰曠

道人心地古爲徒野鶴昂藏白月孤
我亦生來世緣薄回思昏宦歎非夫

技筇過我海雲邊空谷人聲喜欲顛
更喜重逢各強健

未須悽惋話彫年

倦遊祇有囊詩錦試爲高人一笑開
當日畱題海山寺旋聞石刻暗莓苔

精藍端未下雲居况復僧中有後湖
理障禪那俱坐斷頗嘗遊戲到詩無

同徐呂二子遊西湖復次前韻五首

老去胡宜誓酒卮興來破戒爲君持
自今排日花間醉報答春光已後時

林僊金骨闕丘墟松自蕭森鶴自孤
靈魄在天聯傳說

遺書落世仰潛夫

僊祠佛舍碧山邊
扶路逢人有醉顛
火急向渠分此樂
徐郎多病我衰年

醪醖芍藥借春回
似解商量陸續開
安得玄霜著花骨
不交容易染蒼苔

天分天上靈河水
圍作錢塘千頃湖
未有風亭花月觀
已誇勝境世間無

次韻答璧侍者五首

佛屋連延跨翠微
看雲手版向曾持
重遊不是尋春去

冷眼漂花捲絮時

獅子窟中獅子子
孤羣懾怯更清孤
當場不作春雷吼
底用吟詩壓老夫

他日山行不喚船
浪花如雪北風顛
而今已苦山行熱
却辨鴟夷餉長年

爲向詩翁致命回
定應禪老笑顏開
盤飧要是隨宜飽
略具油蔥市海苔

欲買青山賃寓居
時臨絕頂瞰平湖
已容下榻煩重問
肯念吾貧折券無

題趙景安二亭

尺五二首

山亭縹緲五雲連
瑞靄靈河最近天
當念江湖吏塵客
舉頭見日獨悽然

僊樂慣常醒醉夢
市香不斷襲衣裾
何須更羨城南杜
丹地黃扉卽詔除

雲濤二首

坐看銀山捲壞雲
濤頭蜚過不逡巡
世間壯觀何人領
付與亭中筆有神

闔脊每疑神軸動
撞唐更恐日車翻
憑欄待得波聲寂
摩絮依然掛海門

景安和章來再次韻謝設醴四首

竭來取友得三賢
安石仁風樂廣天
七字不應呈此拙
詩腸老去已枵然

道裝人映醉中姝
十二分行儼翠裾
遙想翻塔麗清禁
似今羣豔遙庭除

玉盤盃側玉爲人
揮羽瑤觴不計巡
想送客歸回醉眄
司花來夢鬪精神

江漢長翁文集卷之十九
拜賜清詩醒醉昏恍如帝所聽新翻君才多輟無窮盡
未敢先關月下門

徐南卿友竹軒二首

皺縠香羅裹瓠壺此君高韻豈其徒蕭然相對心莫逾
敢謂徐郎山澤臞

嘯風含月近窻扉金鎖瓏璫鳳尾齊况復賴君相引重
一時同作辟塵犀

卽事二首

澄園山擁碧峻嶒二載房陵冷似冰今日迢迢空載質

今人翻憶在房陵

形容骯髒水雲宜心意闌殘欲語誰不作貴人炎冷面
北山逋客最相知

再次韻趙景安四首

迂儒法士就鷄連猶復拘拘詫甕天度外有人能好客
一樽容我賦超然

艷粉奇葩照座隅更闌醉墨點襟裾詩成平處猶元白
無限羈愁賴破除

平時一飽每從人自庇官曹等徼巡且可放狂中酒聖

冷看得意詫錢神

酒濃勝得晚天寒
雲氣侵帷水墨翻
蘭蕙香前還判醉
不須投轄鎖重門

再次韻四首

或勸長翁圖分長安
栗逕授議幕歸故作

公朝已後茹茅連
幕府偷閑亦所天
寵辱肯為差別觀
道人隨寓祗怡然

作吏丁年熟李書
調官晚境曳鄒裾
平時外慕生災怪
嘉遁爰中有板除

到眼浪岐官冷熱
遇人傳得酒逡巡
曼容東老俱通夢
不勸趨榮勸養神

頗有傳詩問子山
或將贊易譽虞翻
先生不乏醺酣笑
問字能無款席門

苦雨次前韻四首

雨脚波頭遠接連
衣寒礎潤犯梅天
誰憐旅食淄塵客
日問珠炊與桂然

墨雲篩雨密還疎
欲出塗泥恐濺裾
惡况橫陳費料理
枯棋濁酒有驅除

江湖長翁文集 卷之十九
安排看駕趁遊人禁籞猶遲漢帝巡
留取晚香天一笑
倩誰寄語主林神

騷宰松筠聽夜喧
淙潺盆盎駭朝翻
衰翁危坐追交態
舊雨軒車尚到門

四月望再遊西湖十首

前時小舫冒氛昏
重到輕橈破麴塵
湖面風煙飽恣態
一番到眼一番新

傑屋脩垣著畫圖
連連勝士逸人居
乘閑我亦無羈束
竹杖芒鞋信所如

疇昔相期襍被來
飯餘歸意類擠排
蘋風蘿月孤清夜

僅見山間結夏齋

充老要宿山間
以事不果留

杖挑初日闖雲關
忽報充師早下山
煮茗譚詩有賢子
免教題鳳悵空還

十字街頭托盂孟
鴈鵝食口待朝脯
我來欲序睽違意
要問揚州米價無

定結諸山粥飯緣
每歸畱得杖頭錢
穿雲更欲攜君去

布水多煩爲我先

穿雲布
水俗語

堆青泛碧放船蓬
萬里風前鶴髮翁
絕境蒲前官不禁

江海長翁文集卷之十九
此身未省歎塗窮

春光陸續委東流看到湖邊安石榴更與蘇堤漚鷺約

辨舟來賞牡丹秋

俗目芙蓉
秋牡丹

歌呼浩渺翠霏間祗苦詩才老坐慳安得觀音母墮手
爲人千紙寫湖山

橫達縱徑平如水無復衝泥傍險人儻使人心盡包叟

世間何向不通津

是日遊靈感庵庵主包道人砌南山街略遍

次韻楊宰食野蓮

小嘗紺箭掉吟頭甍社湖陰風露秋仙實休誇華峯頂

吮霜嚙蜜亦其流

次韻楊宰捕蝗宿允巖四首

歸來聞道頗休閒蝗事今隨暑氣殘我欲一樽供軟脚
還能衝雨過蘇端

早蝗蔽土翳雲空遙想驅馳逐轉蓬端坐賴君醺一飽
老顏可諱發慙紅

去爲民勞走險艱停驂幾問具茨山祗今欲致賢勞謝
詩債徒能準數還

龍公私我雨濤浪釀酒須防有乞漿慙愧四鄰千萬室

江湖長翁文集 卷之十九
略無笑語及時暘

弊家東莊
近屢得雨

次韻楊宰凌霄花

高花笑屬賦花人
花自鮮明筆有神
可惜人間兩清絕
不教媚嫵對閑身

再次韻楊宰七首

雪英閑澹烟雙明
水斛泓渟碧一縈
小憩山村無與伴
熏爐茶鼎闔僧清

頗思菱角問鷄頭
且放蓮房擅早秋
蠲渴滌煩須底物
未應接綆汲溪流

能書徒自想高閑
煨芋何從得嬾殘
蕭寺隨緣茶餅供
勝譚誰爲解憂端

棗釘菘菹不闕供
露蓮何啻剝千蓬
迎秋更有蒼虬外
邀勒斜陽未肯紅

微吟長嘯強躋攀
愁斛多於庾子山
我亦豐凶關夢寐
秋成消息待君還

驟聞行旅歎賞糧
無復居人肯饋漿
十襲君詩要娛老
却愁痛定說常暘

附麗高陰暑裏春
衰榮不預主林神
胡床想踞僧垣夜

却愛香隨露滴身

江湖長翁文集卷之十九終

江湖長翁文集卷之二十

七言絕句

題傅商卿家壁二首

表表兩卿吾莫逆青芻白飯玉爲醅因循桑下成三宿

解后花時更一來

兩卿傅商卿
龔澤卿也

酒處清譚燭下棋歸期初未厭遲遲若爲徑作翩然去

明日陰晴可得知

時兒有訊初三日過華
村予以及曉先一日去

題彭尉軒壁三首

小軒肯許置琴書客邸僧垣總不如豈但郎君可棋酒

江湖長翁文集卷之二十一

舊便江水煮江魚

甃社家居水四環房陵官舍祗重山客中一旦兼雙美
山影江光粧席間

軒成首作梅仙客再到園池更可觀日有脊令栖小樹
時看鷄鵝下前灘

題吳子隆兼隱二首

盛吉低眉亦問囚不疑斷獄似春秋定知小試皮鞭罷
却喚樵青薦茗甌

元亮官居亦松菊次山生事有笭箬酒如欸乃聲中醉

日向平反笑處長

次韻張守仲思食車螯

斥除介甲更加鞭雋永豐腴舊所便蟬弟蛤兄從倚市
車公酒處信光前

寄趙宰三首

同趙子野吳子隆趙楊子登頰江樓
小酌楊子以約客之北山先躍馬去
急筆賦此

頰江山水簷楹外壯觀風煙畫軸中詩客去畱俱不惡
緩搖吟轡倚天風

猛士語難熊虎樣畫樓山立水雲間雄豪等作詩家助

酒處吟牋莫放閑

北山何意阻青遊似爲江山挽得畱客未言歸君好事
此盟端肯再尋不

學宮諸生飲邀予與子野同之三首

同遙儒宮把一觴鹿鳴伐木奏深堂要防枝癢論文地
莫憶前宵放酒狂

少日峨冠英俊場課餘觴詠共徜徉孰知薄宦江湖去
頻夢爐亭餅飴香

忍飢不喫嗟來食強項從教俗子嗔乘閑甘作不速客

好事無非我輩人

登潁江三絕趙宰增爲四復次韻答之

泛香樽俎飛雲上着色江山泚筆前乾鵲鳴鳩共晴晝
長紅短綠各華年

右追和

流光何忍太怱怱一段清歡歛夢中賴是緘藏玉雪句
老人他日苦頭風

兩豪揮筆對江山恠底風蜚齒頰間雕虎未馴金索緊
長鯨已鱸釣竿閑

兩夜北風吹石裂雪神驕寒更淹留羈人坐歎肌生粟
媚白妖紅耐此不

東園北寺非無約瘦骨禁寒未敢前寄語驚風并急雪
多情多感况中年

贈相士潘翁二首

平時鏡裏笑頭顱道我為官已近諛但遣餘年猶甲子

不妨絳老尚泥塗翁謂予頗壽

涼涼寂寂不關天自詭詩窮五十年君比老夫癡又甚
更教斷句當行纏

題乾明寺壁用趙子野韻

不待車輪四角生欲行還駐為交情又成一笑淥樽晚
詩卷竹風相與清

題栢氏壁二首二月二十七日

客裏春光似許忙還家餘幾酒邊狂醅釀芍藥芳期在
不問蕪菁滿意黃

夢覺號呼擷鷓風忽驚膚粟似深冬淒涼歛白收紅後
賴有春醪琥珀濃

次梁教授見貽韻五首

江浦長翁文集卷之二十一
紅塵半世僅緋衫白首官曹兩換銜羞見淮鄉隱君子
紫芝黃獨老嵌巖

沐猴豈合纏章服野馬如今脫轡銜屈指悔來坡下路
瘦筇隨客上巉巖

誰向仙曹接勝譚金泥天篆署冰銜如聞不惜蜚霞佩
乞與耕莘與築巖

藏室仙經玉作函一編當復翠鸞銜卽今尚喜觀書眼
月射清池電耀巖

敝帚千篇漫手緘分無三字入官銜消磨不盡干雲氣

時作長虹貫夜巖

喜雨口號呈陳守伯固十二首

旱風蟲孽久挺灾好雨如今陸續來誰道天人不相與
青章解挽帝心回

共說邦君禱雨時盡如疾痛切膚肌公心一片秋空月

可但圓通大士知

史君近請
觀音祈雨

未明出作夜深歸敢怨今年雨後時豈獨旱杷全好在

晚秧不死尚堪移

淮鄉散種
目以旱杷

醮壇初上水沉煙甓社龍公敢晏眠爲建清泠三萬斛

坐令翠密舞中田
貨絕交通腹殷雷
人家一雨便春臺
卽看商販接踵集
已有米船銜尾來

錢輕幣重病吾農
未有奇方起困窮
粗遣年豐官糴粟
少令錢幣各通融

史君手有垂雲帚
虐魅妖螟掃不餘
十頃飛蝗戴蛆死

已濡銀筆爲君書

是夏凌塘飛蝗十頃許忽至人方
憂懼繼皆抱草死一蛆食其腦

癘疾流時囊探丸
羸瘡十九得安全
再煩起死回生手
挽作山城大有年

邦人苦旱日呻呼
公比邦人更瘠臞
賀雨歸來人競問
邦君今日解顏無

得句聊將頌作霖
開樽亦復陋孤斟
南亭舊約何時踐
志喜從公更一吟

歲收粗足蝥飢雷
不賴門生送酒杯
坐遣將軍捫腹笑
端知此惠有從來

雨後郊原小杖藜
行人相語各伸眉
卽今極目如雲稼
曾是蝗蟲蓋地皮

漫與

與世端如上瀨船還家稍辦買山錢松風吹斷蓬瀛夢
詩酒淋漓送暮年

跋簡齋二帖

夜光一百八十七

簡齋三進劄共一百八十七字

有底六丁忘下收密

勿端知紫皇側鎮穰猶計子孫謀

無題

多譽庸非蠲忿草一謙良是辟兵符先生謦欬忘鷄口
俗子過逢動虎鬚

陳君美許仲和赴省病不能出餞以二絕句

脩程快著祖生鞭勝日同乘李郭船自愧不能扶病去
郭南亭上看登仙

何人把酒送揚舲定復從容柳下亭共說歸時柳陰合
與君衫色鬪青青

春暖贈梅喜作二首

晴日烘開粟玉葩嬾隨霰雪送年華淮鄉地冷開雖晚
竟是人間第一花

手撚芳枝酌淥樽東君乃有發生恩卽今春暖銅瓶水
羅幙圍香共晏溫

遊山陽十首

予於山陽似有宿契頻遊焉遊必久
畱正月以事再到成十詩觸事
感懷隨得書
之遂無倫次

山陽城外艤舟初先問黃公舊酒壚空有向來觴詠意
歲華不貸白髭鬚

邗溝帆席卽長淮鬢未霜時慣往回絳縣老人今若此
此生更復幾番來

官池二十四鴛鴦錦綵爭鮮伴醉狂
幾時飛到酒樽傍

玳筵當日小紅裳珠壓雙丫十歲強
回首方知但青子

胡琴聲裏怨茶商

故人不復倒奚囊但有荒阡蔭白楊
魂定可招吾得已
試吟楚些命巫陽

高郎曾次著瀟湘亭枕城闌野趣長
我欲亭西分一曲
白鷗波外自鳴榔

會看亭下水涵空菡萏香中理釣筒
北道主人吾有託
不應獨饗北窻風

多許金釵換好辭長巾短屐縷金泥
老來詩力知何似
細訪香羅驗舊題

江漢長翁文集卷之二十一
劉伶臺畔酌金卮寂寂荒丘帶晚暉今日先生不能飲
婦言屏棄未爲非

熙臺楚觀小開樽老去登臨易斷魂
蹀血龍荒半昔志卽今搔首望中原

招山陽高徐二生飲二首

梅花時節屢開樽欲贈梅花欠可人
今日有人梅樣好遲君同賞雪中春

欲作山陰興盡回良思與子把離杯
要須人境俱清絕好抱瑤琴踏雪來

題因老松江煙雨圖二首

遠峯近薄鑑中浮每泊行舟十日留
雨望晴臨俱不惡最憐煙靄暝高秋

千里湖山宿霧昏倚欄一筆解平吞
漁郎好在收綸罷想踞筇簪共一樽

題因師百鴈圖二首

蓼灘蘆渚好徜徉肯便雲天去作行
未用選奴防夜燎不妨結伴傲晨霜

聞道崔公作蘆鴈端如莊叟玩儵魚
騫翔唼唼妙百態

江湖長翁文集 卷之二十一
君看老因槃薄餘

題因師蒲桃園二首

因師寫物三昧手公取天機付筆端坐想瑛盤分磊砢
憶嘗貝齒冰去聲甘寒

晶熒壓架紺珠圓苒蒨縈風露葉鮮病酒人方渴羗似
爲師開卷忍饞

八月十二日夜偕客賞木犀八首

冰蟾蜚下一天霜領略巖花旖旎香我亦小園清絕處
與君同命醉爲鄉

謝蘭潘璧少年場玉塵金罍度夜央老子遽能忘此興
且容投杖喚胡床

朋來濟濟盡嘉賓飲興翩翩笑語真絕勝謫仙邀月醉
當時和影祗三人

露顆零空沍欲冰風姨收盡晚林聲金波冷浸山河影
直爲高陽酒伴明

衰懷對客便超然病骨枝梧勝去年未作槌腰摩腹想
尚堪淥蟻翠蛾前

客間那不笑翁癡酒處猶須古錦爲不道詩成還玉雪

聊憑一解桂娥願

人間雨恨更雲愁月殿僊娥替汝羞試酌此觴堅後約
與人晴霽作中秋

酒邊先起未須扶猶聽榼床擊唾壺風月撩人成不寢
隔牆却擬應歌呼

曉枕二首

兩鴨驚鳴轉五更幽人宿酒未全醒小軒祗似孤舟上
憶得霜湖帶夢聽

銅丸驚破將軍夢銀箭催登朝士車老朽布衾酣曉暖

晨鳥夜鶴莫愁予

書城北尼庵二首

時觀諸公判

小搖蛇影鳥驚墮已落背毛牛自如夢欲分朋慙老病
與渠甘作典籌舒

諸郎弓力勝黃間中戟穿楊氣貌閑北客新傳殺胡讖
看君飛矢下陰山

漏澤院四絕句

借羊統制三減二孟射于漏澤園寺主置酒為賦

雪翎如扇十鈞弓霹靂聲前玉罕空人似堵牆爭指似
少年場裏著衰翁

雋遊分破北窗眠笑撚吟髭看控弦久袖飛馳銀管手
爲渠塗改角弓篇

將軍弓力今羊侃病渴歸來似長卿抹羽尚堪支十槊
憶看銜尾餓鴟鳴

粹公頗似廬山遠美酒還因我輩沽想得靜看豪飲罷
一燈彌勒伴跏趺

題墳庵壁四首

餬口卑官似不逢解將觴詠當千鍾劣優何似隆中叟
投老歸來作臥龍

損益纔通理洞明不應知死異知生惜無人把宣尼語
說似當年尚子平

鍾鳴已飯尚來遊竹好排門不待求爭席饋漿吾不計
此身滄海信虛舟

寂寞江湖吏隱翁平生純默養曾中卽今技癢餘詩癡
時眩晴霄作綵虹

東莊小畱四首

南陂荒蕪已成圍北墅田租頗應期兩地徑規槃薄地
小爲庵屋大爲池

夾溝欲插柳千株，遶舍先營五畝蔬。供爨禦冬須次第，

西歸新得務農書。

是書得之歸州

親朋樽俎日周旋，無限歡情到酒邊。底許擠排作尊客，
祇令撫已歎衰年。

接屋連墻翠密中，炊香羹玉飽過從。人將逋客爲同社，
地與斜川作附庸。

雨中題栢氏壁二首

行尋詰屈躡崎嶇，已謝鄰翁果下駒。北走松楸無數里，
杖藜筋力尚枝梧。

蘇端頗慣招新客，御叔何煩訝聖人。未用平章舊新雨，
一樽聊喜對情親。

次韻楊宰愛竹

看竹排門愛靚深，青青不受雪霜侵。誰知倦客幽尋去，
老越風波亦此心。

次韻楊宰思庭竹

數尋脆碧裊輕陰，歲不知寒暑不侵。屬厭吟風仍嘯雨，
盡收縣解入琴心。

寄郢州崔守八首

陽關聲斷酒盃殘
昨夢回思變暑寒
七見蟾蜍作圓缺
四馮鱗羽問平安

嘗記停驂古郢州
待晴曾是賈胡留
錦囊亦有陽春句
不得親題白雪樓

時以雨且忽忽
不曾登白雪樓

楚郢繁雄亞上都
莫愁風韻未應殊
小園依舊深紅色
曾辱遨頭載酒無

碧香當日薦金船
桑落宜城不直錢
一自黃堂沉醉後

至今追憶尚流涎

是時黃堂留飲次
日酒甚佳自釀云

別乘脩程驥驟馳
書來猶肯記衰遲
每思膠漆班荆地

莫忘風波在甚時

同黃倅舟行之官
共經風波之畏

雍郎高韻似文同
水墨仍參二米風
解舉山川歸短幅
可能陸續寄來鴻

將軍競病舊能詩
黃絹于今玩色絲
何日酒兵鏖筆陣
未應羽檄論交綏

牙板聲中斂翠眉
時應歌我遣懷詞
豈知薄宦飄零去
無復風情似舊時

送吳子隆節推之官信州五首

人生窮達後
愚賢宦路何妨小
着鞭三釜吾今嗟
弗泪

奉親東下羨登仙

行行幕府泛蓮初井井官曹遊刃餘當路急賢飢渴似
不須銜袖子公書

共把離杯柳影邊柳枝如線拂歸船枝枝似恨人輕別
顰不成眠更可憐

幕中婉畫得斯人郡政應從到日新銀鑛金苗休刺口
祇將耕稼富州民

連城照乘動分珍他日詞壇著散人詩筆有神官有暇
楚鱗燕翼要頻頻

次程平叔韻二首

戊三月二十日南徐水教陪程
同年登金山繼遊西園置酒程

有詩
次韻

故人常嘆別時長一笑眉開色便黃領畧西園好風景

憑君更喚郭汾陽

同年折簡
郭統制

詩情對景可勝長酒與鴉兒鬪嫩黃忠貫主人真好事

肯來警省沈東陽

郭侯即時至郭
有堂名忠貫

閩水教次前韻

戈船千桅截江長殺氣氛昏日氣黃江畔詩翁泚椽筆
射蛟無復羨樅陽

程言聚散有感次前韻

不須勸醉翠眉長
莫問何時腰下黃
賸喜相逢各強健
免教聞笛賦山陽

羣芳圍坐引盃長
滿目深紅間淺黃
寄語東君好憐客
水西花外慢頽陽

垂柳搖絲千尺長
柳陰深處轉鸚黃
把杯借聽歌聲醉
絕勝酸寒尉溧陽

步趨遊人歡意長
誰交鶯燕強雌黃
憑欄凝佇多佳麗
底羨簪花醉洛陽

再次韻

平叔吾南道主人酒處吟詩遂成巨紳後章褒予太過作詩謝之

掉鞅詞場缺寸長
端如策蹇趁蜚黃
彌明小貸凌侯喜

太白猶堪客紫陽

六一作李白詩乘雲紫陽家

微風不放浪紋長
噲暖跳魚三尺黃
祗欠高荷護千鞮
醉粧濃艷媚斜陽

再次韻

程同年之子與予孫床侍側不應詩不及之用韻

二子峨冠共我長
卽看紫綬映銀黃
不須握手論家譜
更舉宣尼與伯陽

用孔融事

次韻贈郭侯

江漢長翁文集卷之二十一
郭侯智勇兩俱長驛騎何時詔檢黃胡運于今已灰
看君萬旅出漁陽

侯拉客歸置飲再次韻

將軍恩意為誰長酒未闌殘日脚黃儻有春風四絃手
真成畱客醉潯陽

趙通判有詩次韻二首

霍王無短似無長驚見新詩寫硬黃魚在九淵終玉食
世間濡足羨浮陽趙宗室詩後出
短歌對酒不能長猶勝車塵撲面黃我自關門寶崇鼎

從渠睎價尚咸陽

吟詩自笑用前韻

文字光騰萬丈長錦官老杜豫章黃投荒忍死經人鮓
討飯充腸上岳陽南昌詩我雖窮至骨猶勝杜陵老憶昔上岳陽一飯從人討

退歸我欲學真長君定才名江夏黃考父舊嘗睎吉甫
陵陽端的嗣黔陽

病起二首

老去難堪痼疾纏支離甘受眾人憐出門定被將迎困
緊閉風窻聽雨眠

江清長翁文集卷之二十一
舞席歌筵自闊疎，麴生久送絕交書。平生嗜好消磨盡，
畱得枯棋了索居。

口號十首呈程殿撰

白壁明璣每墮前，續貂輒復聳雙肩。一從歸作漳濱臥，
不寄詩筒恰五年。

歡意長隨夜漏長，隆寬盡貸酒邊狂。東歸祇有南窗夢，
夜夜掀髯錦瑟傍。

八月襄城暑始回，水仙爭趁玉梅開。當時二物知天意，
共報公家福鼎來。

芳信飛來自月宮，月中桂茂劣能容。素娥封殖非無意，
準擬公家不盡供。

福地常披十幅圖，仙翁隱處玉爲壺。九華山側雙峯下，
還許儂分半席無。

郎君袞繡照鴛行，詩老時須住帝鄉。卽見翹材闢新館，
預應綠野敞深堂。

公家昆季盡時賢，叔也驂驪擬度前。書詒親庭先靜退，
至今文采照林泉。

童顏緩緩閱莊靈，鬢影青青表帝庭。後四六年同此夜，

台星光映老人星

故人折柳送東轅不羨當年李郭船
囊錦鴟夷有供給自疑身是馭風仙

帝所鄉關等是家奚囊納納盡天葩
西湖久待公題品莫遣波神妬九華

題史髯詞卷二首

方朔歲星仍客星竊桃他日太狂生
幾時又泛靈槎去平撥天孫翠織成

南風未蠶浙江波倦客閑愁似許多
安得雙鬟如阿素

紅檀聲裏醮金荷

贈包道二首

靈應庵呂公齋
包公畱飯作

吟風嘯月是真常何處無何更有鄉
我與呂仙俱不死靜看烏兔幻炎涼

何妨塵外却塵中風舞寒漪月印空
洗鉢與渠同一飽未憂交臂失回公

暮春泛西湖次口號韻呈程待制十首

客舟日日野芳前鶉鳩鳴時始息肩
無絮可漂花可藉良辰樂事屬明年

江湖長翁文集卷之二十一
湖山引興尚能長小貸詩愁放酒狂蝴蝶應憐落春後
無聊時近綠樽傍

重到西湖可便回前年待得水芝開憑君問取閑鷗鷺
親見跳珠濺客來

幾飯南山佛老宮詩昌譚勝每春容不妨重就山間宿
蔬筍香茶未闕供

何須履道寫新圖不用悲歌缺唾壺巖壑清奇皆我有
利名韁鎖向來無

老來已謝著書忙但向清遊訪睡鄉寄語深師與包叟

可無客枕假雲堂

深醫僧包知堂道人予與之熟

行行撫事念前賢脩竹祠西碧嶂前不復船歸下雙鶴
空緣酒渴酌寒泉

已規觴詠了餘齡徑自無何到大庭左界何人與調護
酒星移近少微星

矍矮欄干錦繡筵欄邊仍泊女郎船凭欄笑指元真子
不是詩仙是酒仙

詩到雙峰自一家紛紛仙卉雜天葩幾時共載西湖去
千紙看公寫物華

題濟勝七物

一柱杖

驚虵却犬破莓苔
筇竹隨公幾往回
龍化葛陂應未忍
為扶衰病作陳雷

二扇

何人月樣剪霜縑
改就新詩却自題
為惜持盃折花手
免教遮日步蘇堤

三錢篋

隨人替得杖頭閑
日日蓮塘柳岸邊
爛醉質衣吾不問

歸時猶有買舟錢

四筆囊

毛錐老去未輕投
革帶羅囊特命收
準擬西湖持酒處
借翁濡首破詩愁

五酒榼

相從有命每傾舒
不寄轅端卽坐隅
肯落蘇家慳婦手
深藏云待不時須

六釘鞋

幾步山間屬雨餘
徐行猶可當安輿
計功高出芒鞋上

傍險衝泥得屢書

七村童

兒野言愴却近真客前疎略不能嗔折花替我簪紗帽
看竹須渠問主人

題史髯詩卷後二首

平生一士萬金多更恨詩人餓澗邁羈旅忽成開笑口
軟紅塵底得陰何

腦脂侵眼耐昏眵詩卷猶便小字題浪信奇方須損讀
卽今刮膜勝金篦

寄題高賓王詩後卷

韶護充庭遙漢官鋪紆宏偉歎才難高郎袖有如椽筆
却伴秋蟲弔夜寒

泛湖十絕句

道終日
懽意

荷面跳珠小濺衣酒邊團扇已停揮濕雲收盡人間暑
却度西山載雨歸

浦淑樓臺遠近殊樽罍隨處小踟蹰高郎頗勝高常侍
解把西湖敵孟諸

銀筆曾煩贊此君卽今墨色儼如新因君細數登龍口

十九年前入幕賓

予昔掌教吳門與劉東玉提幹同官十五年矣其子收予詩二首蓋與東

玉唱和墨竹也

嫩綠搖漪紅藕香雨膏煙膩午供涼西湖到眼真西子
莫信溫柔別有鄉

桃葉相逢但交臂李鬟何許費凝眸爾曹豈解文字飲
應道吾儕輸此籌

酒邊涼意雨餘生望夜重期看月明安得水仙會事發

巧隨人意作陰晴

是日陰涼再約望夜泛湖

底許行庖旋不空小舟如織浪花中盤珍俎實隨供給

亦有紅衣載短蓬

尋得詩人到醉鄉銀壺玉塵倍增光小囊賦就鴛鴦錦

一路荷花別漾香

玉人罷浴試梅粧詩客揮毫落夜光因病覆觴今破戒
爲渠豪飲爲君狂

樓前行客競昂頭樓上齊聲唱石州袞遍實催猶未徹
暑風晴月各新秋

次韻趙帥二首

天公一笑晚雲殘戲與璇穹貼白團試問天風搖翠袖

玉肌何似玉笙寒

妓臺香裏漏聲殘
金步搖歌鬧作團
羯鼓更催銀字管
等閑驚破一天寒

又次看字韻二首

誰扶璧月上天端
雪魄揚輝桂影寒
照見羣仙擁仙伯
嫦娥定復轉頭看

明年屈指春來早
定自元宵不苦寒
十里珠簾火城夜

客來應許醉中看

帥侍有元宵約故云

陳總管坐上贈寫竹妓二首

勁節蒼梢筆底寒
一天風雪與堅頑
回思擁扇賓筵見
却爲嬌饒一破顏

此君寫影道機孰
猶記涪翁詫子舟
誰信紅衣萬鈞筆
擬分此派嗣湖州

十五夜再次趙帥韻

嘉賓飲興未闌殘
却倩纖纖捧雪團
一笑舉杯邀月姊
爲渠聊貸廣寒寒

贈琴妓二首

夢中曾揖蔡文姬
焦尾親傳半夜衣
莫向詩人彈別鶴

江湖長翁文集 卷之二十一
免煩衰泪對君揮

千紙爭傳曼玉祠一庭渾臥借書執從今有問新知識
徑說江城女項斯

次趙帥喜雪韻

府公憂國雪神知三白呈祥不待祈舊歲新年多樂事
一時分付筆如飛

次魏知元韻三首

客中把酒挹江山更藉詩人爲解顏自是交遊十年舊
向來相得立譚間

魏郎日共無喧酒舊學新詩得細論可見高情重離別
又同一舸宿煙村

江城半月從遊樂別去知君剩有詩相望置郵三舍便
幸能時寄慰相思

次姜堯章餞徐南卿韻二首

姜郎未仕不求田倚賴生涯九萬牋稠載珠璣肯分我
北關當有合肥船

風調心期契鑰同誰教社燕辟秋鴻莫年孤陋仍漂泊
可得斯人慰眼中

又次銛朴翁韻四首

僧床正聽曉樓鍾
客棹方占上水風
喧靜未須歧出處
與渠心事各冥鴻

聞爲詩魔掩貝多
辭源袞袞倒洪河
遙知傳誦日千紙
淇上高唐無善歌

婪酣貴宦蛟蛸帳
顛顛功名泊浪沙
誰似朴翁隨分過
曹溪水煮趙州茶

幾向西湖艤畫橈
冰奩儼受衆峰朝
卽今去鴈將清夢
飛下長橋更短橋

次史髯韻二首

痛憶分題把酒時
暑寒誰遣隙駒馳
芙蓉風露梅花月
又費騷人幾首詩

已誤西湖漚鷺約
客舟西上更徘徊
故人益嘆天涯遠
懷抱何從得好開

又次韻二首

愁爲離羣老不禁
詩來深得故人心
自摩病眼添沈炷
滿紙晶熒翫碎金

向來湖上扶攜醉
醉裏清吟雜雨聲
此去淮西望京國

江湖長翁文集卷之二十一
詩邊酒處若爲情

次韻趙帥蠟梅

窻底閑尋斷續香貼金誰此憩風裳漢姬嬾赴昭陽燕
宮額塗成却覆觴

寄趙帥三首

揚州燈火萬家春誰著詩翁寂寞濱舊臘新年無好况
何須更問子姑神

銀鈎滿紙墮荆扉樂事如今與願違撫已可憐多病過
憶公深愧食言肥

先生列館似翹材慣見瓊筵爲客開夜夜元宵日寒食
一春儘可厠鄒枚

再次韻趙帥見寄三首

枝撐強趁火城春蹤跡猶煩問水濱更醉南州好紅紫
凝香詩伯是花神

前歡已悔東隅失後約如前敢再違連夜揚州昔年夢
小梅清瘦杏花肥

倏晴驟雨寒猶在約勒羣芳未盡開銷得燕堂千杖鼓
旋看錦纈裹條枚

題杜彥敷山茶

丹艷濃粧媚晏溫誰招妃子醉時魂此花信出此君下
那有詩人來叩門

次趙帥韻三首

眼眩如看九色霞女膚側理字棲鴉挽回春事憑詩力
畱住風林欲褪花

遊人笑語問朝霞處處相隨攬肉鴉上冢歸來更乘興
醉依柳影籍梨花

詩仙催客共流霞不待高城噪晚鴉好競春光醉良夜

卽今庭院已飛花

次韻趙帥寒食四首

瘦鳥寒郊祇外臣先生俊逸更清新勸耕小出仍寒食
賸辦新詩報答春是年寒食勸農

日佩詩囊侍貴臣向人肯作白頭新自今歌酒追隨去
猶有風煙一半春得詩乃二月望

散吏容陪漢鼎臣隆隆恩意爲誰新重來盡戟凝香地
爛醉瓊枝璧月春昨夕卽出家姬痛飲

夜雨勾芒正主臣晴雲暖靄曉來新小斝徑趨遨頭去

江湖長翁文集卷之二十一
二十八
共醉郊園爛熳春

次韻趙帥

平山已自勝超然况復鶯花二月天
管領鶯花屬仙伯不應草草賦歸田

十絕句寄趙帥

柳堤陰裏放船開識面人家首屢回
莫訝春陽浮大宅新陪詩伯唱酬來

一片飛花到客襟當時便有惜春心
卽今歸路慵擡眼紅影彫疎綠影深

款陪仙伯燕池亭不但新詩老眼明
鼓吹激天飛鳥墮旌幢點水睡龍驚

金田碧野把盃前飛騎鳴笳遙玳筵
五百年來逢此樂府公今續謫仙絃

豪竹哀絲薦玉觴羽衣仙袂儼分行
醜顏一爲東君笑媚白妖紅不敢芳

醉中記得新翻譜土苴梁州笑石州
火急歸來傳好事爲渠一洗世間愁

從公日日醉中歸挿鬢長分最好枝
舊約何如趁新約

江湖長翁文集卷之二十一
浪言燈夕勝花時

子駿福星方久照漁陽竹馬省相迎他時薤水休重問
市虎晨羊各用情

訟戶無聲日燕間驅馳風月笑譚間自今玉海添新集
與繼當年大小山

每上平山把酒卮海鴻泉驥滿身絲風流人物詩書帥
萬字千鍾更屬誰

次韻趙帥五首

趙送牡丹瓊花露見招

平時花酒費詩催塊坐愁城誰爲開六輩妖姬十從事

先生親遣斬關來

前知紅藥翻堦處別許金腰一朶開名在金甌花會得
卽看飛詔下天來

一昨波光脩楔事賓奩俯枕玉奩開重遊漚鷺應偷眼
定記曾陪杖屨來

紅藥主人修月手淥樽許爲故人開肯教客子如王式
一聽驪駒却悔來

南遊可待再書催芍藥酴醾陸續開看自花開到花落
紅蕖時候却歸來

江湖長翁文集卷之二十一終

